

孟河丁氏醫案
王震書

壹

李

吳興

增長醫學知識
秦醫學生贈送

溪
光緒卅年



辛未孟春

孟河丁氏醫案

吳興王震書



馬序

丁甘仁先生孟河名醫也。孟河故醫學淵藪。而先生獨超。其再傳至濟萬君。箕裘弗替。衣鉢克承。以祖庭心法之所得。分門別類。列爲醫案。公諸當世。懸壺申江者有年矣。丁卯夏。僕漫游滬上。一見如故。名下無虛。察色觀豪。應手回春。斯固穎悟華淋。似飲上池之水。薪傳橘井。厭窺中古之書者矣。嗣出所輯思補山房醫案見。眎屬爲之序文。夫醫之爲術。濟世活人。而世往往視爲神祕。深隱莫測。如佛家之心印。道家之口訣。致使數千年之醫學。竟爾失傳。至如扁鵲華陀之流。史存其文。術亡其舊。於是西醫以解剖之精。研幾之審。起而代之。而中華醫術。勢將爲時代之落伍者。良可慨也。濟萬君有鑒於此。感喟而興。振乃祖之心得。付梨棗而遍觀。成一家之言。爲萬世之方。析疑辨難。矯末俗之膚受。苦心勤求。挽既失之國粹。此蓋爲耶之慈善。墨之博愛。而吾儒之所謂仁者愛人者也。甘仁先生後起有人。精靈萬古。於茲益信已。

丁卯嘉平月上浣日隴右馬福祥序

Faint vertical text columns, likely bleed-through from the reverse side of the page. The text is mostly illegible due to fading and ghosting.

王序

古方書之見於著錄者。有長桑君之禁方。葛洪肘後救卒方。陶宏景補肘後救卒備急方。孫思邈之千金方。以及華陀漆葉青黏之散。素女玉機金匱之藏。片羽吉光。珍爲祕笈。蓋醫之有方。猶吏之有課。史之有評。詩之有品。書之有斷。於以考鏡得失。鈎稽利病。非徒垂空文以自見者比也。周禮醫師歲終則稽其醫事。以制其食。十全爲上。十失一次之。十失二又次之。十失三更次之。十失四爲下。所謂稽其醫事者。度亦去其方案。以驗其成績之良否耳。宋代編輯名方。頒行天下。郡國述時疫之狀。至爲纖悉。慶歷中。范文正達言。自京師以逮四方。學醫之人。皆聚而講習。以精其術。黜庸謬。拯生靈。倬然爲治道之助。其重視醫術。猶不失周禮之遺意。夫醫之爲道。至精且專。病者託其生命於醫師之手。呼吸之間。生死以之。故有不爲良相之喻。叔季以還。學術衰落。不獨於醫道然也。而脉不審。樞闔味不辨。咬咀昧帷中之十指。忘涪上之六微。形上也而形下。眎之陳陳相因。恬不爲怪。試過夫

一闕之市。彼家和緩而戶岐區者。上者浮光掠影。幸而有瘳。自矜首功。不幸而否。亦不任咎。若是者。其用心至巧。而其弋大名也。亦至速。下焉者。則直冥途摘埴。如大匠之操刀而割耳。苟有能著書立說。本其平日學識經驗所得。明詔當世。以共事切磋者。則且心折而目笑存之。然而卒亦不數數觀。蓋醫道之難能而可貴也。如此。余頻季客海上。習習聞丁甘仁先生之名。客夏舊患便血症大劇。鎮海金君雪濛語余。非求治於丁先生不可。因爲予言其處方治病事甚悉。乃驅車往訪。至則遇先生於門。蓋已日旰罷診矣。越數日而訃至。匆匆一面。竟成千古。自悵求益之晚。嗣乞其文。孫濟萬診斷。不一月而所患者失。濟萬之學。一出先生。過從既數。輒因濟萬而思及先生。以未得親炙爲憾。一日。濟萬出所集先生方案示余。以墨首之文相屬。余受而讀之。恍若親承先生之緒論。證以金君所言。又往往而合。夙昔懷想爲之大慰。夫醫非三世不專。非九折不精。先生之矯然自異。濟萬之恪守祖德。皆晚近所罕見。丁氏之以醫世其家也。有以哉。昔扁鵲之治病也。飲藥三十

日視見垣一方與科學家之所謂愛格司光者照人藏府洞見癥結將毋同濟萬
虛中劬學鏗而不舍行且媲美昔賢甯止發揚家學聊於此書一發其凡若夫先
生之勤味道腴術擅活人則精於醫者類能道之母埃余之贅言云
丁卯十有一月元吉西神王蘊章謹序於秋平雲室

Faint vertical text columns, likely bleed-through from the reverse side of the page. The text is illegible due to fading and bleed-through.

夏序

醫何尙乎有案。案何尙乎有方。方者效也。案者斷也。案有理有法。窮其因。詳其證。而斷以治。方有君有臣。有正有反。有奇有偶。因其過。去其偏。而持乎平。平即治。治即愈矣。慨自長沙以降。名賢如鯽。著述之多。更僕難盡。至於今日。讀者不暇舉其名目。遑論其所說哉。即其說也。亦復各持一端。善於此者。毀於彼。主於此者。奴於彼。而更句繁語疊。篇重簡複。片言可盡。累卷難窮。雖妙語如環。動人耳目。而清談徒尙。無補實用。論不能必其有用。用不能必其有效。徒使學者目眩耳迷。徘徊岐路。盡信書則不如無書。以有涯之生。致無窮之學。其不殆者寡矣。博以求約。信而有徵。則醫案是尙。蓋醫案之作。因證求因。以因求治。因治製方。以方觀效。其效也。如鼓應桴。其不效也。如日月之食。非可以空言搪塞。敷衍維持也。後之學者。按圖以索。亦步以趨。損益成法。錯縱新意。因規矩以成方圓。舉一隅而得三反。其用宏。其效著矣。案之佳者。首推清代徐尤葉薛。各有專精。宅誦家傳。奉爲鴻祕。惟精於

此者拙於彼。癖於補者難於攻。殆所謂專精易得。衆善難求者歟。甘仁丁先生。系出孟河。孟河固多名醫。先生耳目所及。取精拮華。益復上追古人。窮研至理。鎔古鑄今。內外兼善。蓋無病而不治。無治而不痊者也。懸壺海上。戶限爲穿。社會推爲良工。醫界讓爲巨擘。紹庭几席追陪。謬承知己。誼同昆季。進於友師。磨琢切磋。獲益無既。惜乎仁者不壽。先生遽歸道山。馬首難瞻。他山莫助。此紹庭所爲嘻吁流涕者也。乃者先生文孫濟萬。克承先志。收輯遺案。編訂成書。以資後學之觀摩。以作同道之借鏡。意至善也。辱承不棄。索序於余。慚余無學。不足以序先生。惟以爲醫案之關係醫道也如此。其鉅。而先生之學問。爲紹庭所深知。則此編之有益於同道。於後學。蓋無待乎燭照數計而龜卜矣。是爲序。

丁卯年冬月應堂夏紹庭謹撰

王序

陰陽五行參伍錯綜迭相爲用。氣有偏勝。故理有扶抑。其間輕重疾徐。酌其盈劑。其虛補其偏。救其弊。審察乎毫釐之際。批導乎郤竅之中。蓋憂乎其難哉。

先生以孟河宿學。爲歇浦良師。其根抵之深。經驗之富。固不待贅言。文孫濟萬來彙

先生遺案成帙。將壽諸棗梨。徵序於余。余笑曰。是殆以管蠡之見。窺天而測海也。雖然。余嘗與先生相會診。見其虛衷抑己。恒心折焉。今讀其所遺醫案。信乎先生之學。真能明陰洞陽。酌其盈劑。其虛補其偏。救其弊。而有功於後學也。非根抵之深。經驗之富。其孰能與於斯。

丁卯十月 古歙王仲奇謹撰

Faint vertical text columns, likely bleed-through from the reverse side of the page. The text is illegible due to fading and ghosting.

王

曹序

予之得交甘仁先生也有年矣。先生嘗曰。道無術不行。昔固聞而疑之。竊謂江湖術士。有時自祕其長。以要人重幣。醫雖小道。爲病家生命所託。緩急死生。間不容髮。何處可用術者。先生曰。是有說焉。昔者卞和得良璞。獻之荆臺。楚王以爲燕石也。三獻不受。卒刖卞和之足。齊王好竽。雍門子抱琴立於王門。三年不得見。夫雍門子之琴。誠善矣。其如王之不好何。夫交淺言深。取信良難。况在死生存亡之頃。欲求速效。授以猛劑。則病家畏。素不相習。漫推心腹。則病家疑。疑與畏交相阻。雖有上工良劑。終以棄置不用。嗚呼。此亦荆臺之璞。王門之琴。卞和雍門子所爲痛心者也。聞古之善醫者。曰和曰緩。和則無猛峻之劑。緩則無急切之功。凡所以免人疑畏而堅人信心者。於是乎在。此和緩之所以名。卽和緩之所以爲術乎。先生之言如此。可以知所尙矣。嗟夫。自金元四家而後。各執仲景一偏。以相牴牾。異說蠡起。統系亡失。葉薛以來。幾於奄忽不振。先生愀然憂之。每當診治。規定六經綱

要輒思求合於古。故其醫案。胸痺用瓜蒌薤白。水氣用麻黃附子甘草。血證見黑色。則用附子理中。寒濕下利。則用桃花湯。濕熱則用白頭翁湯。陽明腑氣不實。則用白虎湯。胃家實。則用調胃承氣。於黃痺則用梔子柏皮。陰黃則用附子。雖劑量過輕。於重症間有不應。甚或連進五六劑。纔得小效。然此卽先生之道與術。所以免人疑畏者也。先生自去歲歸道山。文孫濟萬將舉而付之剗。問序於予。予率性倖直。甯終抱卞和之璞。雍門之琴。以待真賞。於先生遺說。背負良多。爰略舉大凡。俾讀先生醫案者。得以考焉。

丁卯冬十一月穎甫曹家達謹序

此處有非常模糊的印文或殘存文字，因字跡不清，無法辨識其內容。

許序

半龍自畢業於中醫專校。卽束裝還蘆墟。乙丑春。丁師馳書相招。俾於廣益善堂施診。半龍自顧學識。謏陋。惴惴如不勝。無何。千頃堂書肆。索予外科學大綱。將以付之。剗。予固不敢自信。因卽就正。丁師師慨然曰。予自寓滬以來。從遊者不下數百人。而於外科一道。研求者蓋寡。今是編行世。不獨爲吾門光。抑亦造福於病家者。殊匪淺鮮也。越日。丁師爲序文。辭意深摯。多所獎借。明年六月。半龍以避暑。暫歸鄉井。丁師卽於月杪謝世。嗚呼。可悲也已。今歲冬。文孫濟萬。將丁師外科醫案。屬爲參校。予性疏懶。請謁之日常少。丁師乃不以爲慢。而優容之。又從而褒許之。今幾日耳。深情厚貌。猶在目前。而丁師之墓草宿矣。然則予之不能已於言者。蓋不惟泰山梁木之悲。亦聊以存知己之感也。

丁卯十一月。弟子許半龍敬書於中醫專校。

陶序

昔者淳于意嘗自錄治驗。上之史氏。以示治病之要。乃後世醫案之嚆矢也。元明以降。此風大熾。而可傳之作。寥若晨星。迫于近今。更渺不可得。蓋駁雜而不醇。驗與不驗。不復計焉。而箴于海上。乃得丁師甘仁。師上追軒岐之奧旨。中發仲景之原理。晚得葉王之治法。實昏夜之燭。空谷之音也。惜以診務紛繁。席無暇暖。著作甚鮮。所存者惟醫案數卷而已。文孫濟萬世兄。繩武祖德。不忍見手澤之湮沒。校讎付刊。嘉惠後學。其功誠不淺。而吾師之作。自此傳矣。箴椎魯無文。不敢贊一辭。敬綴數言。聊誌景仰云爾。

丁卯季秋門人陶可箴謹序

秦序

丁卯冬仲。秉臣世兄輯錄。甘仁師醫案。問序于余。余再拜受之。今世之所謂名醫者。有三術焉。見病勢較重。卽多防變推諉之辭。爲日後愈則居功。變則諉過之地。此其一也。專選平淡和平之藥。動曰爲某方所增損。以博穩當之名。可告無罪于天下。此其二也。和顏悅色。溫語婉詞。動效奴僕之稱。求媚于婦女庸愚之輩。使其至死不悟。此其三也。三者之外。求見理明決。處方活潑。進而預定病勢之吉凶。先言愈期之早暮者。百不得一焉。乃舉世悠悠。孰分涇渭之日。于海上得。丁師甘仁師于黃帝岐伯越人元化之書。旣多心得。而尤致力于仲景古訓。嘗謂醫有二大法門。一爲傷寒之六經病。一爲金匱之雜病。皆學理之精要。治療之準則。更旁及劉李朱張天士孟英輩。歷代專集。比擬攷求。發明其奧。蓋不以術豪。而獨以積學自高。宜其別病處方。展指上陽春。而沉寒忽散。潑壺中甘露。而元氣頓光。有若洞垣之照。大還之丹。孟瀆海濱。咸化爲春臺壽域矣。不幸去歲以微疾易簣。大

呂黃鍾。正音遽寂。茫茫宇宙。大覺焉求。平居又以診務紛繁。著述鮮少。所存者僅喉科概要一卷而已。門生故舊。嗟歎之餘。因倩文孫秉臣世兄。邏輯歷年醫案。以資流傳。秉臣世兄。宿承家學。臨診多時。其收集者。自當較同儕富且稽也。雖然。先大父又詞公以文學之暇。攻研醫籍。名被浦江東西。召樓奚丈鑄翁。曾作讀內經圖贈之。迄今棄養垂十載。鄉人士遇疾苦。猶有稱道之者。家藏醫案盈尺。余僅輯數十紙。刊諸醫學雜誌。久欲付刊專集。未能償願。以視秉臣世兄之孝思。不禁又興手澤之悲矣。

門弟子上海秦之濟伯未甫敬撰

丁甘仁先生別傳

丁君甘仁歿後。予既據生平實錄。爲之撰述家傳。然先生良醫也。以先生之緒論。爲予所得聞者。及今不爲論次。後將無有知者矣。爲作別傳云。

甘仁先生既卒業於其鄉。初行道於蘇州。無所合。復東行之海上。乃大行。既而問業於汪蓮石。汪令治傷寒學。於舒氏集注。最有心得。由是凡遇雜證。輒先規定六經。然後施治。嘗謂腦疽屬少陰。發背屬太陽。皆不當誤投寒涼。此其大較也。又善易理。嘗語予曰。夏至一陰生。易象爲姤。嗣是陰氣漸長。中陽漸虛。陽散於外。陰守於內。設持循而不亂。足以抵禦天陽。當無暑熱之病。設或過於飲冷。中陽不支。乃有洞泄寒中。及寒霍亂諸證。予因是悟附子理中及通脉四逆方治。冬至一陽生。易象爲復。嗣是陽氣漸長。裏陰漸薄。陰寒在外。伏陽在內。設固悶而不耗。足以抵禦寒氣。則必無傷寒重證。惟妄爲作勞。陰液散亡。陰不勝陽。乃有冬溫之病。予是以悟少陰有大承氣及黃連阿膠方治。予曰。善。先生於治病方藥。知無不言。言無

不盡其論疔毒曰。熱毒暴發。頭面爲重。甚有朝發而夕死者。鄉村求藥。去城市遼遠。一時不及措手。惟有速取野菊葉。搗汁飲之。渣塗患處。消腫最速。予向者於吳姓驗之。又曰。凡濕毒在裏之證。正當祛之出表。但既出於表。宜重用大小薊。丹皮赤芍。以清血分餘毒。不獨外瘍爲然。卽歷節風亦無不然。是說也。予近於戴姓婦人驗之。又曰。凡心痛不可忍者。急用乳香沒藥酒水合煎。可以立止。是說也。予於江姓縫工驗之。又嘗言吳又可溫疫論。最得仲景微旨。予問其故。先生曰。太陽篇云。本發汗而復下之。此爲逆也。若先發汗。治不爲逆。本先下之。而復汗之。爲逆。若先下之。治不爲逆。由前之說。則傷寒之治法也。由後之說。則溫熱之治法也。予治夏秋之交熱病。亦屢驗之。今先生往矣。惜乎相見日淺。緒論無多。故卽夙昔所聞者。著之於篇。俾後生小子。知吉光片羽之大可珍惜焉。

丁卯冬十二月世愚弟曹家達拜撰

孟河丁氏醫案目錄

卷一

傷寒案 風溫案 暑溫案 濕溫案 瘧症案

卷二

霍亂案 泄瀉案 痢疾案 瘧疾案 喉痧案附白喉案痧後案

卷三

中風案 類中案 神志案 內傷雜病案

卷四

欬嗽案附痰飲案哮喘案 肺癰案 吐血案

卷五

痿痺案 諸痛案 消渴案 腫脹案 脚氣案 黃疸案 呃噎案

卷六

疝氣案 癰閉案 遺精案 癥瘕案 淋濁案附毒症案 便血案 洩血案

衄血案

卷七

調經案 崩漏案 帶下案 胎前案 產後案

卷八

外科案

附膏方案

附臨症筆記

孟河丁氏醫案目錄

孟河丁氏醫案卷一

武進孟河丁澤周甘仁著

男元彥彙錄

孫濟萬編訂

濟華校讐

傷寒案

姜左 外寒束於表分。濕痰內蘊中焦。太陽陽明為病。寒熱無汗。頭疼。胸悶。泛噁。納穀減少。脈浮滑。苔薄膩。擬汗解化滯。重用表藥。經云。體若燔炭。汗出而散。

淡豆豉三錢

赤茯苓三錢

炒枳殼錢半

淨麻黃四分

生姜兩片

姜半夏二錢

六神麴三錢

青防風一錢

陳廣皮一錢

炒麥芽三錢

炒赤芍錢半

孔左 外邪襲於太陽。濕滯內阻中焦。有汗惡風不解。遍體痠疼。胸悶泛噁。腹內作脹。宜疏邪解肌。化滯暢中。

川桂枝 八分 仙半夏 二錢 炒枳殼 一錢 白蔻仁 八分 炒赤芍 錢半

陳廣皮 一錢 大腹皮 二錢 六神麴 三錢 紫蘇梗 錢半 苦桔梗 一錢

赤苓 三錢 製川朴 一錢 生姜 二片

張左 寒邪外束。痰飲內搏。支塞肺絡。清肅之令不行。氣機窒塞不宣。寒熱無汗。咳嗽氣喘。難於平臥。胃有蘊熱。熱鬱而煩躁。脈浮緊而滑。舌苔薄膩而黃。宜疎外邪以宣肺氣。化痰飲而清胃熱。大青龍加減。

蜜炙麻黃 四分 雲苓 三錢 橘紅 八分 炙欬冬 錢半 川桂枝 六分

象貝母 三錢 半夏 二錢 旋覆花 錢半包 石膏 三錢 杏仁 三錢

生甘草 六分

王左 脈鬱數。苔薄膩。尖紅。身熱不揚。煩躁不寐。時欲嘔。此無形之邪。與有形之

痰滯互阻陽明。陽明經邪不能外達也。宜疎達伏邪而化痰滯。

淡豆豉三錢

薄荷葉一錢

鮮竹茹(枳實全炒)三錢

炒穀麥芽各三錢

黑山梔錢半

硃茯神三錢

荊芥穗錢半

象貝母三錢

淨蟬衣一錢

苦桔梗一錢

地枯蘿三錢

清炙枇杷葉三張(去毛包)

吳左發熱不退。胸悶嘔吐。舌中有一條白苔。脈弦滑而數。太陽陽明未解。痰滯

逗留中焦氣滯。宣化失司。當擬梔豉湯。疏解表邪。溫胆湯。觸除痰飲。俾得邪從外

解。飲從內化。則熱可退。而嘔吐自止。

淡豆豉三錢

黃芩錢半

半夏二錢

炒穀麥芽各三錢

赤芍二錢

生姜一片

川桂枝四分

竹茹錢半

陳皮一錢

鷄金炭錢半

澤瀉錢半

袁右傷寒兩候。太陽之邪未罷。陽明之熱已熾。熱薰心包。神明無以自主。發熱

譫語。口渴欲飲。脊背微寒。脈浮滑而數。苔黃。宜桂枝白虎。一解太陽之邪。一清陽

明之熱。

川桂枝五分 仙半夏二錢 生甘草四分 連翹三錢 熟石膏三錢打

炙遠志一錢 硃茯神三錢 知母錢半 生姜一片 紅棗兩枚

李左 傷寒挾滯。太陽陽明為病。身熱十餘日不解。脊背微寒。脈浮滑而數。口乾不多飲。唇焦苔薄膩而黃。五六日不更衣。太陽之邪未罷。陽明之熱薰蒸。腸中濁垢。不得下達。擬桂枝白虎湯加減。疎太陽之邪。清陽明之熱。助以通腑。蓋陽明有胃實當下之條也。

川桂枝五分 生甘草五分 元明粉錢半 竹茹錢半 石膏三錢

瓜蒌三錢 川軍三錢 半夏錢半 生姜兩片 大棗三枚

狄右 傷寒兩候。壯熱無汗。譫語煩躁。舌焦無津。脈象沉數。肢反逆冷。五六日不更衣。此邪已化熱。由陽明而傳厥陰。陰液已傷。燥矢不下。有熱深厥深之見象。風動瘧厥。恐在目前。急擬生津清熱。下則存陰。以望轉機。

生石膏四錢 生甘草五分 肥知母錢半 鮮生地六錢 元參三錢

鮮石斛三錢 郁李仁三錢研 大麻仁四錢研 天花粉三錢 茅蘆根各一兩

清寧丸三錢(包煎)

二診 昨進生津清熱。下則存陰之劑。得便甚暢。壯熱漸減。微汗蒸蒸。四肢轉溫。書所謂裏氣通。而表自和之意。惟口乾欲飲。尚有讖語。舌上乾糙未潤。少陰津液已傷。陽明伏熱尙熾。脈數未靜。仍宜滋少陰之陰。清陽明之熱。冀其津生邪却。始得入於坦途。

生石膏四錢 肥知母錢半 生甘草五分 天花粉三錢 鮮生地六錢

鮮石斛三錢 元參三錢 川貝二錢 冬桑葉二錢 粉丹皮二錢

北秫米三錢(包) 茅蘆根各一兩

三診 兩進生津清熱之劑。壯熱大減。讖語亦止。舌糙黑未潤。口乾欲飲。脈數洩赤。陰液被熱銷鑠。津無上承。再擬甘涼生津。以清邪熱。

羚羊片五分 鮮生地八錢 鮮石斛五錢 生石膏四錢打 冬桑葉二錢

元參三錢 生甘草五分 肥知母錢半 粉丹皮二錢 大麥冬三錢

茅蘆根各一兩

四診 表裏之邪均已大減。舌焦黑轉為紅絳。津液有來復之漸。邪熱有退化之機。脈數較和。仍守甘涼生津。以清餘焰。

西洋參一錢 鮮生地八錢 鮮石斛五錢 肥知母錢半 元參三錢

大麥冬三錢 天花粉三錢 生甘草五分 桑葉二錢 粉丹皮三錢

川貝母二錢 北秫米三錢包 茅蘆根各一兩

諸右 傷寒一候。經水適來。邪熱陷入血室。瘀熱交結。其邪外無向表之機。內無下行之勢。發熱惡寒。早輕暮重。神糊譫語。如見鬼狀。脇痛胸悶。口苦苔黃。少腹痛拒按。腑氣不行。脈象弦數。症勢重險。恐再進一步。則入厥陰矣。姑擬小柴胡湯。加清熱通瘀之品。一以和解樞機之邪。一以引瘀熱而下行。冀其應手為幸。

柴胡一錢 炒黃芩一錢 羚羊片八分 藏紅花八分 桃仁泥一錢包

青皮一錢 絳通草八分 赤芍三錢 清寧丸三錢包 生蒲黃二錢包

王左 腎陰本虧寒邪外受太陽少陰同病發熱微寒遍體酸楚腰痛如折苔薄

膩微黃脈象尺弱寸關浮緊而數太陽主一身之表腰為少陰之府風寒乘隙而

入營衛不能流通兩感重症姑擬陽旦疏達表邪以冀速解為幸

川桂枝五分 蘇梗葉各錢半 北細辛三分 厚杜仲錢半 絲瓜絡錢半

葱頭三枚 酒炒黃芩一錢 淡豆豉三錢 炙甘草五分 晚蠶沙三錢

生姜兩片

封左 診脈浮緊而弦舌苔乾白而膩身熱不揚微有惡寒咳嗽氣逆十四晝夜

不能平臥咽痛淡紅不腫兩頰赤色據述病起於奪精之後寒邪由皮毛而入於

肺乘虛直入少陰之經逼其水中之火飛越於上書曰戴陽重症也閱前方始而

疎解前胡薄荷牛蒡杏貝之品繼則滋養沙參石斛毛燕川貝不啻隔靴搔癢揚

湯止沸。夫用藥如用兵。匪勢凶猛。非勇悍之將。安能應敵也。拙擬小青龍合二加龍骨湯。一以溫解寒邪。一以收攝浮陽。未識能挽回否。尚希明哲指教。

蜜炙麻黃五分 川桂枝八分 大白芍三錢 生甘草八分 熟附片錢半

牡蠣(煨)四錢 花龍骨四錢 五味子(干姜三分拌搗)一錢 光杏仁三錢

仙半夏三錢 水炙桑皮二錢 遠志八分

服二劑後。氣喘漸平。去麻黃。又服兩劑。顛紅退。即更方。改用平淡之劑調理。如杏貝甘桔茯神桑皮苡仁冬瓜子北秫米等。接服五六劑而痊。

姚左 傷寒兩感。太陽少陰為病。太陽為寒水之經。本陰標陽。標陽鬱遏。陽不行。故發熱惡寒而無汗。少陰為水火之臟。本熱標寒。寒入少陰。陰盛火衰。完穀不化。故腹痛而洞洩。胸悶嘔吐。舌苔白膩。食滯中宮。濁氣上逆。脈象沉遲而細。仲聖云。脈沉細。反發熱。為少陰病。與此吻合。挾陰挾食。顯然無疑。症勢非輕。姑宜溫經達邪。和中消滯。

淨麻黃四分

熟附子一錢

藿蘇梗各錢半

製川朴一錢

枳實炭一錢

仙半夏二錢

赤苓三錢

白蔻仁八分開

六神麴三錢

生姜一片

乾荷葉一角

二診 服溫經達邪。和中消滯之劑。得微汗。惡寒發熱較輕。而胸悶嘔吐。腹痛泄瀉。依然不止。苔膩不化。脈沉略起。太陽之經邪。雖有外解之勢。少陰之伏邪未達。中焦之食滯互阻。太陰清氣不升。陽明濁氣不降也。恙勢尚在重途。還慮增劇。仍守原法出入。擊鼓而進取之。

荊芥一錢

防風一錢

淡豆豉三錢

熟附子一錢

藿蘇梗各錢半

仙半夏二錢

生姜二片

枳實炭一錢

製川朴一錢

六神麴三錢

大腹皮二錢

酒沙黃芩一錢

乾荷葉一角

三診 脈沉已起。惡寒已而身熱未退。泄瀉止而嘔噫胸悶。渴喜熱飲。心煩少寐。舌轉灰膩。少陰之邪已轉陽明之經。中焦之食滯與素蘊之濕濁互阻不化也。脈

證參合。漸有轉機。今擬透解陽明之經邪。宣化中焦之濕滯。

粉葛根二錢 淡豆豉三錢 嫩前胡錢半 藿香梗錢半 炒黃芩錢半

仙半夏二錢 枳實炭一錢 炒竹茹錢半 六神麩三錢 大腹皮二錢

赤茯苓三錢(碌砂拌) 乾荷葉一錢

四診 得汗。表熱大減。而裏熱尙熾。嘔噦止。而胸脘不舒。渴喜冷飲。心煩少寐。小
溲短赤。舌邊尖紅絳碎痛。苔轉薄黃。脈象濡數。良由寒已化熱。熱又傷陰。津少上
承。心肝之火內熾。還虛劫液之變。今擬生津清解而降浮火。邪却津生。始得坦然。

天花粉三錢 生甘草五分 炒黃芩錢半 川雅連四分 連翹殼三錢

硃茯神三錢 江枳殼一錢 炒竹茹錢半 川貝母二錢 活蘆根一尺

五診 表裏之熱均減。渴喜冷飲。心煩少寐。小溲短赤。舌紅絳碎痛。糜點已起。脈
左弦數。右濡數。此陰液已傷。津乏上承。心肝之火內熾。伏熱蘊濕交蒸。病情變化
正難預料。仍以滋液生津。引火下行。

西洋參 錢半

生甘草 五分

鮮生地 四錢

川連 五分

川通草 八分

天花粉 三錢

川貝 二錢

連翹 三錢

白薇 錢半

北秫米 三錢包

鮮竹葉 卅張

活蘆根 一尺(去節)

六診 熱勢漸退。舌糜亦化。佳兆也。而心煩少寐。渴喜冷飲。脈數不靜。陰液傷而難復。虛火旺而易升。邪熱已解。餘焰未清。仍守增液生津。引火下行。藥既獲效。毋庸更張。

原方加琥珀安寐丸錢半、野薔薇花露半斤、入煎。

賀右 傷寒兩感。挾滯交阻。太陽少陰同病。惡寒發熱。頭痛無汗。胸悶腹痛拒按。

泛噁不能飲食。腰痠骨楚。苔白膩。脈象沉細而遲。病因經後房勞而得。下焦有蓄瘀也。慮其傳經增劇。擬麻黃附子細辛湯加味。溫經達邪。去瘀導滯。

淨麻黃 四分

熟附片 錢半

細辛 三分

赤苓 三錢

仙半夏 三錢

枳實炭 一錢

製川朴 一錢

大砂仁 八分

查炭 三錢

延胡索 一錢

兩頭尖錢半(酒浸包) 生姜三片

二診 昨投麻黃附子細辛湯。去瘀導滯之劑。得暢汗。寒邪已得外達。發熱漸退。腹痛亦減。惟頭脹且痛。胸悶不思納食。脈象沉遲。舌苔薄膩。餘邪瘀滯未楚。陽氣不通。脾胃健運失司。今制小其劑。而轉化之。

川桂枝五分 炒赤芍三錢 紫蘇梗錢半 雲苓三錢 仙半夏三錢

枳實炭一錢 金鈴子二錢 元胡索一錢 大砂仁八分 炒穀麥芽各三錢

生姜三片

楊右 脈象浮弦。汗多如雨。惡風發熱不解。遍體骨楚。少腹痛拒按。舌苔薄而膩。病從房勞經後而得。風入太陽。皮毛開而經輪閉。蓄瘀積而氣滯阻。即兩感之重症也。亟宜溫經達邪。去瘀消滯。以冀應手乃吉。

川桂枝八分 白芍二錢 清炙草八分 熟附子二錢 雲茯苓三錢

砂仁八分 焦查炭三錢 五靈脂一錢 兩頭尖(酒浸包)錢半 生姜三片

此症一劑而愈。故錄之。明日以桂枝湯加和胃之品調之。

陳左 氣陰已傷。伏邪留戀。漸欲傳入少陰。虛陽易於外越。痰濕瀰漫中宮。清陽

不能宣布。頗慮正虛邪實。姑宜扶正達邪。宣化痰濕。俾太陰之邪。從陽樞外泄。乃順。

潞黨參 三錢

生甘草 八分

廣陳皮 錢半

熟附塊 二錢

仙半夏 三錢

熟穀芽 三錢

軟柴胡 八分

雲茯苓 三錢

生姜 三片

紅棗 五枚

衛左

始由發熱惡寒起。見繼則表不熱而裏熱。口乾不欲飲。四肢逆冷。脈沉苔膩。加之嘔噦呃逆。大便不實。外邪由太陽而陷於太陰。不得洩越。陽氣被遏。胃陽不宣也。脈沉非表。為邪陷於裏之證。四肢逆冷。經所謂陽氣衰於下。則為寒厥是也。傷寒內陷之重症。姑擬四逆湯加減。通達陽氣。和胃降濁。

淡乾姜 五分

丁香 四分

川桂枝 八分

六神麴 三錢

炙甘草 五分

柿蒂 三枚

熟附子 錢半

川朴 八分

陳皮 錢半

仙半夏 三錢

熟穀芽 三錢
生姜 三片

此藥性味甘平。能健脾開胃。消食化積。其功甚大。凡小兒疳積。或因病後失食。或因病後體弱。或因病後氣虛。或因病後血虧。或因病後神疲。或因病後食慾不振。或因病後大便不調。或因病後小便不利。或因病後咳嗽。或因病後喘急。或因病後痰多。或因病後胸膈不舒。或因病後頭暈目眩。或因病後耳鳴。或因病後腰酸。或因病後背痛。或因病後手足麻木。或因病後口苦。或因病後舌燥。或因病後口渴。或因病後多汗。或因病後自汗。或因病後盜汗。或因病後遺精。或因病後白濁。或因病後帶下。或因病後崩漏。或因病後胎動不安。或因病後產後虛弱。或因病後產後血暈。或因病後產後腹痛。或因病後產後惡露不盡。或因病後產後乳汁不足。或因病後產後大便燥結。或因病後產後小便不利。或因病後產後咳嗽。或因病後產後喘急。或因病後產後痰多。或因病後產後胸膈不舒。或因病後產後頭暈目眩。或因病後產後耳鳴。或因病後產後腰酸。或因病後產後背痛。或因病後產後手足麻木。或因病後產後口苦。或因病後產後舌燥。或因病後產後口渴。或因病後產後多汗。或因病後產後自汗。或因病後產後盜汗。或因病後產後遺精。或因病後產後白濁。或因病後產後帶下。或因病後產後崩漏。或因病後產後胎動不安。或因病後產後產後虛弱。或因病後產後產後血暈。或因病後產後產後腹痛。或因病後產後產後惡露不盡。或因病後產後產後乳汁不足。或因病後產後產後大便燥結。或因病後產後產後小便不利。或因病後產後產後咳嗽。或因病後產後產後喘急。或因病後產後產後痰多。或因病後產後產後胸膈不舒。或因病後產後產後頭暈目眩。或因病後產後產後耳鳴。或因病後產後產後腰酸。或因病後產後產後背痛。或因病後產後產後手足麻木。或因病後產後產後口苦。或因病後產後產後舌燥。或因病後產後產後口渴。或因病後產後產後多汗。或因病後產後產後自汗。或因病後產後產後盜汗。或因病後產後產後遺精。或因病後產後產後白濁。或因病後產後產後帶下。或因病後產後產後崩漏。或因病後產後產後胎動不安。

孟河丁氏醫案卷一

風溫案

吳右

風溫秋燥之邪。蘊襲肺胃兩經。肺主一身之氣。胃爲十二經之長。肺病則氣機窒塞。清肅之令不行。胃病則輸納無權。通降之職失司。以故肌熱不退。業經旬餘。咳嗽痰多。脅肋牽痛。口渴唇燥。穀食無味。十餘日未更衣。至夜半咳尤甚。不能安臥。象似迷睡。子丑乃肝胆旺候。木火乘勢升騰。擾犯肺金。肺炎葉舉。故咳嗽脅痛膺痛。若斯之甚也。脈象左尺細數。左寸關浮弦而滑。右尺軟數。右寸關滑數不揚。陰分素虧。邪火充斥。顯然可見。據述起病至今。未曾得汗。一因邪鬱氣閉。一因陰液虧耗。無蒸汗之資料。脈症參合。症非輕淺。若進用汗法。則陰液素傷。若不用汗法。則邪無出路。顧此失彼。棘手之至。輾轉思維。用藥如用兵。無糧之師。利在速戰。急宜生津達邪。清肺化痰。去邪所以養正。除暴所以安良。然乎否乎。質之

高明。

天花粉三錢

光杏仁三錢

金銀花三錢

冬桑葉三錢

生甘草八分

川象貝各二錢

連翹壳二錢

淡豆豉三錢

嫩前胡二錢

薄荷葉一錢

冬瓜子三錢

黑山梔錢半

廣鬱金一錢

活蘆根一兩(去節) 枇杷葉露二兩

二診 風燥外受。溫從內發。蘊蒸肺胃兩經。以致肌熱旬餘不退。咳嗽痰多。脅肋牽痛。不便轉側。口渴溲赤。夜半咳甚。氣逆直至天明稍安。夜半乃肝胆旺時。木火乘勢升騰。擾犯於肺。加之燥痰戀肺。肺炎葉舉。清肅之令不能下行。穀食衰少。十天不更衣。胃內空虛。腸中乾燥可知。脣焦舌不紅絳。但乾而微膩。脈象兩尺濡數。兩寸關滑數無力。經云尺膚熱甚為病溫。脈數者曰溫。皆是伏溫薰蒸之見象。平素陰液虧耗。溫病最易化熱傷陰。是陰液愈傷。而風溫燥痰為患愈烈也。欲清其熱。必解其溫。欲化其痰。必清其火。昨進生津解溫清肺化痰之劑。脅痛潮熱。雖則畧平。餘恙依然。尚不足恃。頗慮喘逆變遷。今仍原意去表加清。清其溫即所以保

其陰。清其燥。卽所以救其肺。未識能出險入夷否。鄙見若斯。擬方于後。

天花粉三錢

甘菊花三錢

冬桑葉三錢

川象貝各二錢

山梔錢半

生甘草八分

銀花三錢

連翹錢半

光杏仁三錢

竹茹錢半

絲瓜絡錢半

蘆根一兩(去節)

竹油一兩

枇杷葉露二兩

三診 兩進清解伏溫。清化燥痰之劑。昨日申刻得汗不暢。伏溫有外達之勢。肌

熱較輕而未盡退。咳嗽脅痛氣逆。亦覺輕減二三。固屬佳兆。無如陰液虧耗之體。

木火易熾。津少上承。肺失輸化之權。燥痰膠結難解。口乾欲飲。脣燥溲赤。脈象寸

關滑數不靜。尺部無力。舌苔化而復薄膩。王孟英先生稱第二層之伏邪。有類乎

斯。真陰如此之虧。溫邪若斯之重。安有不肌肉消瘦。皮毛憔悴者乎。所慮正不勝

邪。虛則多變。尙未敢輕許無妨也。昨方既獲効機。仍守原意出入。

天花粉三錢

薄荷葉八分

光杏仁三錢

鮮竹茹錢半

蘆根一兩(去節)

生甘草八分

金銀花三錢

川象貝各錢半

通草一錢

淡竹油一兩

冬桑葉 三錢

連翹殼 錢半

冬瓜子 三錢

黑山梔 錢半

枇杷葉 三張
(去毛包)

四診 連進清解伏溫。清燥化痰之劑。午後申刻得汗兩次。伏溫有外解之象。仲景云。陽明病欲解時。從申至戌。是也。溫熱已去其七。咳嗽氣逆亦去其半。惟形神衰弱。脣燥口乾。睡則驚悸。小溲未清。右脈滑數較和。左脈弦數不靜。舌苔化而未淨。此氣液素虧。肝熱內熾。肺胃兩經受其摧殘。安能輪化津液。灌溉于五臟。灑陳於六腑哉。脈證參合。險關已逾。循序漸進。勢將入於坦途。仍議清餘焰。以化痰熱。生津液而滋化源。雖不更衣。多日不食。胃中空虛。腸中乾燥。雖有燥屎。勿亟亟於下也。即請 方正。

天花粉 三錢

光杏仁 三錢

鮮竹茹 錢半

黑山梔 錢半

淡竹油 一兩

生甘草 五分

川象貝 各錢半

金銀花 三錢

知母 錢半

活蘆根 一尺
(去節)

冬桑葉 三錢

硃茯神 三錢

連翹壳 錢半

通草 一錢

枇杷葉 三張
(去毛包)

五診

身熱已去七八。咳嗽亦減五六。咳時喉有燥痒。鼻孔烘熱。口乾脣燥。舌苔

化而未淨。肺金之風燥。尙未清徹。餘熱留戀。燥字從火。火灼津液。爲痰。書所謂火爲痰之本。痰爲火之標也。右脈滑數較和。左脈弦數不靜。陰液虧耗。肝火易熾。胃氣未醒。納穀減少。脈證參合。漸有轉機之象。倘能不生枝節。可望漸入坦途。前方既見効機。仍守輕可去實。去疾務盡之義。若早進滋陰。恐有留邪之弊。拙見如此。卽請 明正。

淨蟬衣 八分

光杏仁 三錢

金銀花 三錢

花粉 三錢

炙兜鈴 錢半

輕馬勃 八分

川象貝 各錢半

連翹 錢半

生草 五分

枇杷葉 三張 (去毛包)

冬桑葉 三錢

瓜蒌皮 三錢

黑山梔 錢半

竹茹 錢半

蘆根 一尺 (去節)

六診 病有標本之分。治有先後之別。病生於本者。治其本。病生於標者。治其標。今治標以來。伏邪已解。肺炎亦消。咳嗽痰鳴。亦減六七。惟陰分本虧。津少上承。餘焰留戀氣分。肺金輪布無權。厥陽易於升騰。口乾唇燥。頭眩且痛。形神衰弱。小溲帶黃。舌苔化而未淨。皆係餘燥爲患。燥字從火。火灼津液爲痰。有一分之燥。則一

分之痰不能清徹也。左脈弦數已緩。右脈滑數亦和。恙已轉機。循序漸進。自能恢復原狀。再清餘燥。以化痰熱。生津液。以滋化源。俾得津液來復。則燥去陰生矣。

淨蟬衣八分 生甘草五分 生石決五錢 桑葉三錢 活蘆根一尺

輕馬勃八分 光杏仁三錢 鮮竹茹錢半 冬瓜子三錢 枇杷葉三張
(去毛包)

天花粉三錢 川象貝各錢半 炙兜鈴錢半 鈎藤三錢

張童 風自外來。溫從內發。風性屬陽。溫易化熱。熱盛生痰。風善上升。風溫痰熱。互蘊肺胃。發熱旬餘。口乾欲飲。咳嗽氣粗。脅肋牽痛。熱痰蒙蔽清竅。靈機堵塞。心主神明之所。變為雲霧之鄉。神識模糊。譫語妄言。起坐如狂。前醫疊投犀羚不應。其邪在氣。不在營也。况按胸腹之間。似覺悶脹。內夾宿食。又可知也。舌尖紅。苔薄膩黃。脣焦脈滑數。傷寒大白云。脣焦屬食積。腑行滯薄。不得逕用下達明矣。脈證參合。瘥厥之險。不可不慮。姑擬辛涼清疏。以解伏氣。溫膽滌痰。而通神明。苟能神清熱減。自有轉機。

薄荷一錢 硃茯神三錢 廣鬱金錢半 天竺黃二錢 葶藶汁一酒盃

銀花四錢 枳實錢半 象貝母三錢 鮮石菖蒲五分 保和丸三錢

連翹二錢 竹茹錢半 活蘆根一兩 冬瓜子三錢

一劑神清、二劑熱減、三劑熱退而愈。

王幼發熱八日。汗洩不暢。咳嗽痰多。煩躁懊懣。泛泛嘔噦。且抽搐有如驚風之狀。腑行澹薄。四末微冷。舌苔薄膩而黃。脈滑數不揚。前師作慢驚治。用參朮苓半貝齒竺黃鈎鈎等。煩躁泛噦益甚。此乃風溫伏邪。蘊襲肺胃。蓄于經絡。不能泄越於外。勢有內陷之象。肺邪不解。反移大腸。則便澹。陽明之邪不達。陽不通行。則肢冷。不得與慢驚同日而語也。况慢驚屬虛。豈有煩躁懊懣之理。卽曰有之。當見少陰之脈證。今種種病機。恐有痧疹內伏也。亟擬疏透。以冀弋獲。

荆芥穗錢半 粉葛根二錢 蟬衣八分 薄荷八分 苦桔梗八分

淡豆豉三錢 銀花炭三錢 連翹錢半 赤苓三錢 枳實炭錢半

炒竹茹 錢半
藿香梗 錢半

二診 服疏透之劑得汗甚多煩躁泛噁悉減面額項頸之間有紅點隱隱即痧疹之見象咳嗽痰多身熱不退舌質紅苔薄膩而黃脈滑數伏溫之邪有外達之機肺胃之氣壅塞不宣仍從辛涼清解宣肺化痰冀痧透熱退則吉

原方去豆豉加紫背浮萍

趙左 溫邪四天身熱有汗不解口渴欲飲煩躁不安脈濡數舌黃伏邪鬱於陽

明不得外達慮其化火入營急宜清解伏溫而化痰熱

淡豆豉 三錢

金銀花 三錢

霜桑葉 三錢

活蘆根 一兩

黑山梔 錢半

連翹壳 錢半

甘菊花 三錢

鮮竹葉 三十張

粉葛根 二錢

天花粉 三錢

象貝母 三錢

孫女 初起身熱形寒即鼻衄如湧吐血盈碗口乾不多飲入夜煩躁不安脈濡

數舌邊紅苔薄膩伏溫之邪在營逼血妄行大忌驟用滋陰恐溫邪不得從陽明

而解也。

黑荆芥 錢半

輕馬勃 八分

連翹 錢半

白茅花根 三錢 兩札
冬桑葉 三錢

淡豆豉 三錢

象貝母 三錢

側柏炭 錢半

粉丹皮 錢半

竹茹 錢半

黑山梔 錢半

薄荷葉 八分

復。投藥兩劑。吐衄均止。身熱轉盛。苔膩稍化。脈仍濡數。伏溫之邪。由營及氣。由裏達表。佳象也。仍與辛涼清解以泄其溫。

薄荷 八分

淡豆豉 三錢

連翹 錢半

硃茯神 三錢

赤芍 錢半

桑葉 三錢

黑山梔 錢半

象貝 三錢

竹葉竹茹 卅張 錢半
茅根 一兩(去節)

陳左。身熱及旬。咳嗽痰有腥味。大便不實。舌質紅苔黃。脈滑數。白疹布而未透。

風溫襲入肺胃。濕熱蘊蒸氣分。症勢非輕。擬輕清宣解。輕可去實。千金葦莖加味。

淨蟬衣 八分

生草 五分

金銀花 三錢

象貝母 三錢

連翹 錢半

嫩前胡 錢半

桔梗 五分

冬瓜子 三錢

生薏仁 三錢

赤芍 錢半

桑葉三錢

蘆根五錢

鮮荷葉一角

金絲荷葉五張

徐孩

發熱六天。汗洩不暢。咳嗽氣急。喉中痰聲漉漉。咬牙嚼齒。時時抽搐。舌苔薄膩而黃。脈滑數不揚。筋紋色紫。已達氣關。前醫疊進羚羊、石斛、鉤藤等。病情加劇。良由無形之風溫。與有形之痰熱。互阻肺胃。肅降之令不行。陽明之熱內熾。太陰之溫不解。有似瘧厥。實非瘧厥。即馬脾風之重症。徒治厥陰無益也。當此危急之秋。非大將不能去大敵。擬麻杏石甘湯加減。冀挽回於什一。

麻黃一錢

杏仁三錢

甘草一錢

石膏三錢

象貝三錢

天竺黃二錢

鬱金一錢

鮮竹葉三十張

竹瀝五錢

活蘆根一兩

二診 昨投麻杏石甘湯加減。發熱較輕。咬牙嚼齒。抽搐均定。佳兆也。惟咳嗽氣逆。喉中尚有痰聲。脈滑數。筋紋縮退。口乾欲飲。小溲短赤。風溫痰熱。交阻肺胃。一時未易清澈。仍擊鼓再進。

麻黃一錢

杏仁三錢

甘草一錢

石膏三錢

象貝三錢

廣鬱金 一錢

天竺黃 二錢

兜鈴 錢半

冬瓜子 三錢

淡竹油 五錢

活蘆根 二兩(去節)

三診 兩進麻杏石甘湯以來。身熱減。氣急平。嚼齒抽搐亦平。惟咳嗽痰多。口乾欲飲。小溲短赤。大便微澹色黃。風溫已得外解。痰熱亦有下行之勢。脈仍滑數。餘焰留戀。然質小體稚。毋使過之。今宜制小其劑。

淨蟬衣 八分

川象貝 各錢半

金銀花 三錢

冬桑葉 三錢

通草 八分

杏仁 三錢

炙遠志 五錢

連翹 錢半

花粉 三錢

兜鈴 錢半

冬瓜子 三錢

活蘆根 一兩(去節) 葶薺汁 一酒盃

李左

壯熱一候。有汗不解。口渴煩躁。夜則譫語。脉洪數。舌邊紅中黃。伏溫化熱。

蘊蒸陽明氣分。陽明熱盛。則口渴煩躁。上薰心包。則譫語妄言。熱勢炎炎。慮其入營劫津。急擬白虎湯加味。甘寒生津。專清陽明。

生石膏 五錢

連翹壳 三錢

粉丹皮 錢半

鮮竹葉 三十張

肥知母 錢半

黑山梔錢半 霜桑葉三錢 硃茯神三錢 生甘草八分 天花粉三錢

淡黃芩三錢 活蘆根一兩(去節)

汪左 診脈沉細而數。苔薄黃。表熱不揚而裏熱甚熾。神識昏糊。譫語妄言。甚則踰垣上屋。角弓反張。脣焦渴不知飲。此溫邪伏營。逆傳膈中。溫鬱化火。火灼津液。為痰。痰隨火升。蒙蔽心胞。神明無主。肝風驟起。風乘火勢。火借風威。所以見證如是之猖狂也。脈不洪數。非陽明裏熱可比。厥閉之險。勢恐難免。亟擬清溫熄風。清神滌痰。以救涸轍而滋化源。是否有當。質之高明。

鮮石斛三錢 犀角片五分 薄荷八分 硃茯神三錢 川貝三錢

花粉三錢 羚羊片三分 連翹錢半 江枳實一錢 竹茹錢半

天竺黃錢半 石菖蒲八分 竹瀝二兩 紫雪丹四分

兩劑。風平神清。表熱轉盛。去紫雪。犀。羚。加芩。鼓。重用銀翹。數劑而安。伏溫由營。達氣而解。

張左 發熱汗多氣短而喘。脉數而亂。舌紅。暑熱傷津耗氣。肺金化源欲絕。肺爲水之上源。肺虛不能下蔭於腎。腎不納氣。肺主皮毛。肺傷則衛氣失守。是以汗出甚多。經云。因於暑汗。煩則喘渴是也。症勢危篤。勉擬生脉散。益氣生津。而清暑熱。

西洋參三錢

大麥冬三錢

鮮石斛三錢

清炙枇杷葉三錢

天花粉三錢

肥知母錢半

煨牡蠣一兩

浮小麥一兩

謝右 溫邪發熱八天。汗泄不暢。渴而引飲。神昏譫語。疊見呃逆。舌紅。脉沉數無力。陰液已傷。邪鬱不達。暑熱痰濁互阻。木火挾衝氣上逆。胃氣不得下降。清竅被蒙。神明無以自主。症勢沉重。急宜生津清溫。和胃降逆。

鮮石斛五錢

金銀花三錢

陳廣皮一錢

旋覆花錢半包

淡豆豉三錢

連翹壳錢半

鮮竹茹錢半

天花粉三錢

黑山梔錢半

柿蒂五枚

炙遠志肉八分

雷右 身熱一候。有汗不解。咳嗽氣逆。但欲寐。譫語鄭聲。口渴不知飲。舌光紅乾。

涸無津。脈細小而數。右寸微浮而滑。此風溫伏邪。始在肺胃。繼則傳入少陰。陰液已傷。津乏上承。熱灼津液爲痰。痰熱瀰漫心胞。靈機堵塞。肺炎葉枯。有化源告竭之虞。勢已入危險一途。勉擬黃連阿膠湯。合清燥救肺湯。加減。滋化源以清溫。清神明而滌痰。未識能挽回否。

蛤粉炒阿膠

三錢

天花粉

三錢

鮮生地

三錢

天竺黃

二錢

川雅連

五分

冬桑葉

三錢

鮮石斛

三錢

光杏仁

三錢

川貝

三錢

淡竹瀝

五錢

冬瓜子

三錢

蘆根

一兩(去節)

銀花露

一兩

枇杷葉露

(煎藥)二兩

另飲去油

清鴨湯佐生陰液。

二診 昨進黃連阿膠湯。合清燥救肺飲之劑。津液有來復之漸。舌乾涸。轉有潤色。神識較清。迷睡亦減。而裏熱依然。咳嗽氣逆。咯痰艱出口。乾欲飲。脈息如昨。數象較和。伏溫燥痰。互阻肺胃。如膠似漆。肺金無以施化。小溲不通。職是故也。昨法既見效機。仍守原意出入。

蛤粉炒阿膠三錢 桑葉三錢

鮮生地三錢

鮮石斛三錢

川貝三錢

光杏仁三錢

天花粉三錢

天竺黃二錢

生甘草五分

活蘆根一兩

冬瓜子三錢

知母錢半

竹瀝五錢

銀花露一兩

枇杷葉露二兩
(煎藥)

三診

投藥兩劑。神識已清。舌轉光紅。身熱較退。咳痰艱出口乾欲飲。脈細滑帶數。陰液傷而難復。肝火旺而易升。木扣金鳴。火鑠津液為痰。所以痰稠如膠。而咳逆難平也。仍擬生津清溫。潤肺化痰。俾能精勝邪却。自可漸入坦途。

原方去知母

天竺黃

加青蒿梗三錢

嫩白薇三錢

張左

發熱十二天。有汗不解。頭痛如劈。神識時明時昧。心煩不寐。即或假寐。夢語如讖。咽痛微咳。口乾欲飲。舌質紅苔黃。脈弦滑而數。風溫伏邪。蘊襲肺胃。引動厥陽升騰。擾犯清空。陽升則痰熱隨之。蒙蔽靈竅。頗慮瘧厥之變。亟擬輕疏風溫。以熄厥陽。清化痰熱。而通神明。如能應手。庶可轉危為安。

羚羊片五分

銀花三錢

硃茯神三錢

川象貝各錢半

菊花三錢

竹茹 錢半

桑葉 三錢

帶心連翹 錢半

枳實 錢半

天竺黃 二錢

山梔 錢半

茅根 五錢

鮮石菖蒲 五分

珠黃散 二分 沖服 淡竹瀝 一兩

二診 神識已清。頭痛亦減。惟身熱未退。咽痛焮紅。嚙飲不利。口乾溲赤。咳痰不

爽。脈滑數。舌質紅。苔黃。風為陽邪。溫為熱氣。火為痰之本。痰為火之標。仍從辛涼

解溫。清火滌痰。

桑葉 三錢

薄荷 八分

連翹 錢半

川象貝 各錢半

天竺黃 二錢

桔梗 八分

菊花 三錢

銀花 三錢

山梔 錢半

輕馬勃 八分

生甘草 八分

竹茹 二錢 (積實拌炒) 活蘆根 一兩 淡竹瀝 五錢

陸左 風溫伏邪。夾痰交阻。肺胃不宣。少陽不和。寒熱往來。咳嗽胸悶。甚則泛噁。

脈象弦滑。舌前半無苔。中後薄膩。和解樞機。宣肺化痰治之。

前柴胡 各五分

雲苓 三錢

光杏仁 三錢

炒穀麥芽 各三錢 象貝 三錢

苦桔梗 一錢

橘紅 一錢

冬桑葉 三錢

枳實炭 三錢

半夏 錢半

炒竹茹錢半 冬瓜子三錢

覆 寒熱輕減。咳嗽痰多。口乾欲飲。五六日未更衣。舌前半光絳。中後膩黃。脈數不靜。陰液已傷。陽明腑垢不得下達。今擬存陰通腑。清肺化痰。

天花粉三錢 生草六分 象貝三錢 生枳實錢半 杏仁三錢

元明粉錢半 川軍三錢 冬瓜子三錢 炒竹茹三錢 乾蘆根一兩(去節)

許 咳嗽膈痛。身熱輕而復重。大便溏泄。舌苔灰膩而黃。脈滑數。風溫伏邪。挾滯交阻。邪不外達。移入大腸。擬葛根芩連湯加減。

粉葛根二錢 淡豆豉三錢 枳實炭三錢 酒黃芩錢半 炒銀花四錢

赤苓三錢 香連丸一錢 炒赤芍錢半 桔梗八分 荷葉一角

象貝母三錢

袁左 溫邪挾滯。陽明為病。發熱十天。口渴煩躁。譫語妄言。舌糙黃。六七日未更衣。脈象滑數有力。此濁垢不得下達之徵也。法宜生津清溫。加瓜蒌大黃。以符仲

景急下存陰之意。

粉葛根 二錢

金銀花 三錢

肥知母 錢半

生甘草 八分

生石膏 三錢

天花粉 三錢

全瓜蒌 四錢 (元明粉一錢同搗)

生川軍 三錢

鮮竹葉 三十張

茅蘆根 各五錢

陳左

身熱四天。有汗不解。煩躁胸悶。入夜神糊譫語。苔黃脉數。此無形之伏溫。與有形之痰濁互阻。清陽被灼。君主乃昏。宜清溫滌痰。而安神明。

粉葛根 錢半

天花粉 三錢

黑山梔 錢半

竹葉心 三錢

金銀花 三錢

鮮竹茹 錢半

九節菖蒲 一錢

葶薺汁 一酒盃

帶心連翹 三錢

枳實炭 二錢

灸遠志肉 五分

活蘆根 一兩

祁左

冬溫伏邪。身熱十七天。有汗不解。咳嗽脇痛。甚則痰內帶紅。渴喜熱飲。大便溏泄。前投疏表消滯。荆防敗毒。小柴胡。及葛根芩連等湯。均無一效。今忽汗多神糊。讖語鄭聲。汗愈多則神識愈糊。甚則如見鬼狀。苔乾膩。脈濡細。是伏邪不得

從陽分而解。而反陷入少陰。眞陽外越。神不守舍。陰陽脫離。不能相抱。脈證參合。危在旦夕間矣。急擬回陽斂陽。安定神志。冀望一幸。

吉林參鬚一錢

熟附片一錢

煨牡蠣四錢

花龍骨三錢

硃茯神三錢

炙遠志二錢

仙半夏二錢

生白朮錢半

浮小麥四錢

焦查炭二錢

乾荷葉一角

炒苡仁穀芽各三錢

兩劑後。卽汗斂神清。去參附龍牡。加炒淮藥三錢。川貝二錢。又服二劑。瀉亦止。

去查炭。加炒扁豆衣三錢。藕節三枚。卽漸漸而痊。

董左 初起風溫爲病。身熱有汗不解。咳嗽痰多。夾有紅點。氣急胸悶。渴喜熱飲。

大便溏泄。前師疊投辛涼清解。潤肺化痰之劑。似亦近理。然汗多不忌豆豉。泄瀉不忌山梔。汗多傷陽。瀉多傷脾。其邪不得從陽明而解。而反陷入少陰。神不守舍。痰濁用事。蒙蔽清陽。氣機堵塞。今見神識模糊。讖語鄭聲。汗多肢冷。脈已沉細。太谿跌陽兩脈亦覺模糊。喉有痰聲。嗜寐神迷。與邪熱逆傳厥陰者。迥然不同。當此

危急存亡之秋。陰陽脫離。即在目前矣。急擬回陽。斂陽。肅肺。滌痰。冀望真陽內返。痰濁下降。始有出險入夷之幸。然乎否乎。質之高明。

吉林參 八分
熟附片 八分
左牡蠣 三錢
花龍骨 三錢
硃茯神 三錢

炙遠志 一錢
仙半夏 錢半
川象貝 各二錢
水炙桑葉皮 各錢半

炒扁豆衣 三錢
生薏仁 四錢
冬瓜子 三錢
淡竹瀝 一兩
生薑汁兩滴全冲服

另真猴棗粉二分

覆診 前方服後。肢漸溫。汗漸收。脈略起。原方加光杏仁 三錢。

三診 肢溫汗收。脈亦漸起。陽氣已得內返。神識漸清。讖語鄭聲亦止。惟咳嗽痰多。夾有血點。氣逆喉有痰鳴。舌苔薄膩轉黃。伏溫客邪已有外達之機。痰濁逗留肺胃。肅降之令失司。今擬清澈餘溫。宣肺化痰。

桑葉 錢半
桑皮 錢半
光杏仁 三錢
川象貝 各錢半
硃茯神 三錢

炙遠志 一錢
炙兜鈴 一錢
生薏仁 三錢
冬瓜子 三錢
淡竹油 一兩

猴棗粉二分 鮮枇杷葉三錢(去毛包)

四診 服兩劑後。咳嗽氣逆痰鳴。均已大減。咽喉乾燥。痰內帶紅。舌邊絳。苔薄黃。神疲肢倦。脈濡小而數。是肺陰暗傷。痰熱未楚。今擬清燥救肺。化痰通絡。

蛤粉炒阿膠錢半 南沙參三錢 側柏炭一錢 竹茹二錢 藕節兩枚

桑皮葉各錢半 粉丹皮錢半 甜光杏三錢 川象貝各二錢 瓜蒌皮二錢

蜜炙兜鈴一錢 冬瓜子三錢 乾蘆根一兩 猴棗粉二分 竹瀝一兩

枇杷葉露煎藥

二三劑漸次告愈。

按風溫冬溫。用參附龍牡等。是治其變症。非常法也。蓋人之稟賦各異。病之虛實寒熱不一。傷寒可以化熱。溫病亦能化寒。皆隨六經之氣化而定。是證初在肺胃。繼傳少陰。真陽素虧。陽熱變為陰寒。迨陽既回。而真陰又傷。故先後方法兩殊。如此之重症。得以挽回。若猶拘執溫邪化熱。不投溫劑。仍用辛涼清解。如

連翹、芩、連、竺、黃、菖、蒲、至、寶、紫、雪、等、類。必、當、不、起、矣。故、錄、之、以、備、一、格。

孟河丁氏醫案卷一

暑溫案

計左 暑溫一候發熱有汗不解。口渴欲飲。胸悶氣粗。入夜煩躁。夢語如讖。小溲短赤。舌苔薄黃。脈象濡數。暑邪濕熱。蘊蒸陽明。漫布三焦。經所謂因於暑。煩則喘渴。靜則多言是也。頗慮暑熱逆傳厥陰。致有昏厥之變。

清水豆卷四錢

青蒿梗錢半

天花粉三錢

硃茯神三錢

通草八分

黑山梔錢半

帶心連翹三錢

益元散三錢(包)

青荷梗一支

竹葉心三錢

鬱金錢半

萬氏牛黃清心丸一粒

二診 暑溫九天。汗多發熱不解。煩悶讖語。口渴欲飲。舌邊紅苔黃。脈象濡數。右部洪滑。良由暑濕化熱。蘊蒸陽明之裏。陽明者胃也。胃之支脈貫絡心胞。胃熱上薰心胞。擾亂神明。故神煩而讖語也。恙勢正在鳴張。還慮增劇。今擬竹葉石膏湯。

加味。

生石膏五錢 茯苓三錢 鬱金錢半 仙半夏錢半 通草八分

竺黃二錢 鮮竹葉心三錢 益元散三錢(包) 鮮石菖蒲五分 白茅根三錢

荷梗一支 萬氏牛黃清心丸一粒

三診 神識漸清。壯熱亦減。原方去石膏。牛黃清心丸。加連翹。心花粉。蘆根。

方左 長夏酷熱。炎威逼人。經商勞碌。赤日中暑。暑熱吸受。痰濁內阻。心胞被蒙。

清陽失曠。以致忽然跌仆。不省人事。牙關緊閉。肢冷脈伏。暑遏熱鬱。氣機閉塞。脈

道爲之不利。中暑重症。卽熱深厥深是也。急擬清暑開竅。宣氣滌痰。以冀挽回。

薄荷葉八分 淨銀花三錢 連翹殼三錢 碧玉散四錢(包) 廣鬱金錢半

川貝母三錢 天竺黃二錢 枳實炭三錢 炒竹茹錢半 鮮石菖蒲一錢

西瓜翠衣三錢 另蘇合香丸一粒 淡竹瀝五錢

二診 服清暑開竅。宣氣滌痰之劑。神識已清。牙關亦開。伏脈漸起。而轉爲身熱。

頭脹口乾不多飲胸悶不能食舌苔薄黃暑熱有外達之機暑必夾濕濕熱蘊蒸有轉屬陽明之象今擬清解宣化以善其後

炒香鼓三錢

薄荷八分

銀花三錢

桑葉三錢

菊花三錢

鬱金一錢

黑山梔錢半

連翹錢半

枳實錢半

竹茹葉各錢半

六一散三錢(包)川貝三錢

西瓜翠衣四錢

謝右 秋涼引動伏暑夾溼滯內阻太陽陽明為病寒熱無汗頭脹且痛胸痞泛噁苔薄膩脈濡數邪滯互鬱胃氣不得下降也亟宜疏通透伏邪而化溼滯以冀邪從外達溼滯內化不致增劇乃佳

豆豉三錢

前胡錢半

半夏三錢

六麴三錢

薄荷八分

竹茹錢半

香薷五分

山梔一錢

桔梗八分

鮮藿香錢半

鮮佩蘭錢半

荷葉一角

炒枳實一錢

錢右

外受風涼內蘊伏暑暑必夾溼溼與滯阻陽明為病發熱惡寒胸痞泛噁

頭脹且痛。遍體痠楚。舌苔膩佈。脈象濡數。邪勢鴟張。非易速解。擬黃連香薷飲加減。

陳香薷五分

淡豆豉三錢

六神麴三錢

姜川連四分

炒枳實錢半

姜竹茹錢半

製川朴八分

仙半夏錢半

鮮藿香錢半

鮮佩蘭錢半

玉樞丹三分冲服

李童 暑溫十天。身熱汗出不徹。渴不多飲。胸脘煩悶。口有甜味。苔薄膩黃。脈濡

數。暑必挾濕。伏於募原。既不能從陽明而解。亦不能從下焦而去。勢有欲發白痞

之象。暑濕為粘膩之邪。最為纏綿。

香薷八分

青蒿梗錢半

淨蟬衣八分

江枳殼錢半

通草八分

川連三分

清水豆卷三錢

炒牛蒡二錢

鬱金錢半

赤苓三錢

鮮藿香錢半

鮮佩蘭錢半

甘露消毒丹三錢

榮左 伏暑秋溫。發熱兩候。早輕暮重。煩躁不寐。夢語如讖。鼻衄痰紅。口乾欲飲。

大便溏薄色黃。汗泄不多。舌質紅苔黃。此伏暑化熱。蘊蒸陽明之裏。陽明者胃也。胃絡上通心包。胃熱上蒙清竅。心神不得安寧。故煩躁少寐。夢語如讖也。鼻衄雖曰紅汗。究屬熱迫營分。逼血而妄行也。脈象左弦數。右滑數。參脈合證。陰液暗傷。邪熱猖獗。頗慮傳入厥陰。致神昏瘈厥之險。急宜甘寒生津。清解伏暑。冀營分之熱。能得從氣分而解爲幸。

天花粉三錢

硃茯神三錢

粉葛根錢半

鮮竹茹二錢

益元散三錢包

金銀花五錢

酒炒黃芩一錢

冬桑葉二錢

連翹壳三錢

川雅連五分

白茅根三札

二診 昨投生津清溫之劑。身熱略減。夜寐稍安。鼻衄亦止。而口乾欲飲。胸悶懊憹。難以名狀。汗泄不多。舌質紅苔黃。脈數依然。良由暑溫之熱。仍在陽明之裏。未能達到氣分。勢欲蒸發白痞之象。陰液暗傷。無作汗之資料。還慮增劇。溫邪有汗而再汗之例。仍宜甘寒生津。解肌清溫。冀望正勝邪却。始能入於坦途。

天花粉三錢 粉葛根五錢 粉丹皮二錢 鮮石斛三錢 清水豆卷四錢

鷄蘇散三錢包 熟石膏三錢打 冬桑葉二錢 連翹壳三錢 鮮竹葉三十張

活蘆根一尺去節 北秫米三錢包

三診 連進生津清溫服後熱勢反增。渴欲引飲。飲後得汗甚暢。白瘡佈於胸腹之間。至天明時熱勢始減。胸悶漸舒。脈數稍和。即是正勝邪却之機。既已獲效。仍守原法擴充。

天花粉三錢 生甘草六分 連翹壳三錢 鮮石斛三錢 嫩白薇錢半

生石膏三錢打 仙半夏錢半 川貝母二錢 通草八分 鮮竹葉三十片

白茅根兩札 北秫米三錢包

四診 身熱大減。汗洩溱溱。白瘡密佈腹臍之間。伏暑濕熱已得外達。惟咳痰帶紅。睡醒後口舌乾燥。神疲肢倦。小溲頻數不爽。溺時管痛。脈象濡數不靜。舌質淡紅。此陰液已傷。木火易升。肺金化源受傷。不能下及州都。陽明之蘊熱。尙留連為

患也。仍擬竹葉石膏湯加減。生津液以滋化源。清陽明而息餘焰。

西洋參錢半 硃茯神三錢 川通草八分 活蘆根一尺去節 生石膏三錢打

川貝母二錢 粉丹皮二錢 北秫米三錢包 鮮竹葉三十張 生甘草六分

天花粉三錢 冬桑葉二錢 滋腎通關丸錢半包煎

五診 身熱已退。白痞密佈甚多。口舌乾燥亦減。伏暑之熱有肅清之漸。而小溲尚未爽利。咳痰色黃。脈象濡數無力。舌淡紅。肺胃餘熱留戀。氣化不及。州都也。仍擬甘寒生津。養胃清肺。以善其後。

西洋參錢半 硃茯神三錢 冬桑葉二錢 冬瓜子三錢 活蘆根一尺去節

生甘草八分 川貝母三錢 粉丹皮錢半 北秫米三錢包 金石斛二錢

瓜蒌皮三錢 嫩白薇錢半 通天草八分 滋腎通關丸錢半包煎

何女 秋溫伏暑。延今三候。初起吐血衄血。繼則身灼熱無汗。熱盛於夜。譫語妄言。口渴欲飲。七八日未更衣。舌焦糙無津。唇色紫暗。脈象弦滑而數。紅白疹雖現

即隱咳。噎痰內帶紅。良由伏溫由營及氣。由裏及表。表未得汗。仍傳於裏。裏熱熾盛。少陰之陰液被劫。津無上承。陽明經熱未得外解。腑中燥矢不得下行。腑熱薰蒸心包。神明無以自主。手指震動。肝風欲起。瘧厥之變。即在目前矣。急宜生津解肌。下則存陰。表裏兩治。以望轉機。

鮮生地六錢

天花粉三錢

熟石膏三錢打

川貝母三錢

茅蘆根各一兩

京元參三錢

薄荷葉八分

生甘艸五分

枳實炭一錢

鮮石斛四錢

粉葛根一錢

全瓜蒌四錢切

元明粉錢半同搗

鮮竹茹二錢

清寧丸三錢包

二診 投生津解肌。下則存陰之劑。已服兩帖。微微得汗。腑垢已得下行。所下之垢。色紫黑甚暢。灼熱略衰。謔語亦減。而咳噎略痰不出。痰內帶紅。耳聾失聰。口乾欲飲。舌糙黑已減。脈尚弦數。唇焦而裂。此少陰陰液已傷。陽明伏暑化熱。灼津液而為痰。痰阻肺絡。清肅之令不行。木火升騰。擾犯清竅。雖有轉機之兆。尚未敢輕許無妨。今擬人參白虎湯。合清營增液湯加減。清營涼氣。肅肺化痰。能得精勝邪。

却即可望出險入夷。

西洋參 一錢五分 鮮生地 五錢

肥知母 二錢

連翹壳 三錢

鮮竹葉 三十張

生石膏 四錢打

京元參 三錢

川貝母 三錢

粉丹皮 二錢

生甘艸 八分

鮮石斛 三錢

硃茯神 三錢

枳實炭 八分

活蘆根 一尺去節

三診 人參白虎湯清營增液湯。又服二劑。灼熱已減其半。神識亦清。舌焦黑已退。轉為紅絳。脈左弦數。右濡滑而數。睡則驚悸。耳聾口渴。咳嗆咯痰不爽。痰中夾血。津液有來復之漸。暑熱有退避之勢。餘焰燦液為痰。膠阻肺絡。木火升騰。擾犯清空。合脈論證。已有出險入夷之佳象。再議生津泄熱。清肺化痰。

西洋參 一錢五分

肥知母 一錢五分

冬桑葉 二錢

硃茯神 三錢

活蘆根 一尺去節

生石膏 三錢打

天花粉 三錢

粉丹皮 二錢

川貝母 三錢

生石決 八錢

生甘艸 六分

青蒿梗 一錢五分

嫩白薇 一錢五分

鮮藕 四兩切片入煎

四診 身灼熱已去七八。惟咳嗆咯痰不爽。口渴不多飲。痰中之血。兩日不見。耳

鳴失聰。脈左弦小而數。右濡滑而數。舌絳紅。腎陰胃液難復。木火易於上升。餘液未盡。肺金清肅之令不行。况值燥令。燥從火化。火未有不剋金也。再宜甘涼濡潤生津泄熱清肺化痰。

西洋參 錢半

生甘草 八分

水炙桑皮葉 各錢半

生石決 八錢

硃茯神 三錢

天花粉 三錢

肥知母 錢半

粉丹皮 錢半

嫩白薇 錢半

北秫米 三錢包

冬瓜子 三錢

活蘆根 一尺去節 枇杷葉露 四兩後入

茅童 溫邪夾濕發熱十三天。汗洩不暢。口乾欲飲。舌質紅。罩薄膩。左脈弦數。右脈濡數。前醫早進白虎湯。致邪陷太陰。清氣不升。大便溏薄。日夜十餘次。小溲短赤。心煩少寐。熱勢加劇。病情非輕。擬解肌疏邪。而理中土。仲聖謂裏重於表者。先治其裏。仿此意化裁。

粉葛根 二錢

炮姜炭 四分

炒潞黨 三錢

生白朮 二錢

生甘草 五分

赤苓 三錢

金銀花 三錢

山查炭 三錢

炒車前子 三錢(包) 戊己丸 二錢(包)

鮮荷葉一角

二診 昨進理中湯加減。大便溏泄漸止。而發熱依然。口乾欲飲。舌轉紅絳。脈象弦數。汗洩不暢。此氣分之溫未罷。營分之熱內熾。濕化為燥。燥亦傷陰。津乏上承。今擬清營透氣。兼顧中土。

天花粉三錢

炒銀花三錢

赤苓三錢

冬桑葉三錢

煨葛根錢半

生白朮二錢

粉丹皮錢半

扁豆衣三錢

生甘草五分

白薇錢半

鮮荷葉一角

白茅根五錢

三診 昨進清營透氣。兼顧中土之劑。身熱漸減。又見鼻紅。雖曰紅汗。究屬熱遏營分。逼血上行。舌紅絳。脈弦數不靜。陰分已傷。肝火內熾。濕從燥化。陽明之溫。尙未清澈也。既有效機。再進一籌出入。

鮮生地三錢

炒銀花三錢

赤苓三錢

桑葉三錢

天花粉二錢

生白朮二錢

粉丹皮錢半

川貝二錢

生甘艸五分

白薇錢半

炒扁豆衣 三錢 北秫米 (包) 三錢 鮮荷葉 一角 茅根 五錢

陳左 濕溫已延月餘。潮熱時輕時劇。渴喜熱飲。白痞亦佈。讖語鄭聲。小渾溲赤。

脈象虛滑而數。舌質紅潤唇燥。此乃氣陰已傷。伏邪濕熱留戀陽明。上蒙清竅。神

明無以自主也。脈證參合。已入危險一途。亟宜扶正宣邪。苦化溼熱。以望轉機。

黨參 三錢 硃茯神 三錢 川雅連 三分 川貝母 三錢 銀柴胡 一錢

炙遠志肉 五分 細木通 五分 天竺黃 二錢 白薇 錢半 紫貝齒 三錢

仙半夏 錢半 北秫米 (包) 三錢 益元散 (包) 三錢

孟河丁氏醫案卷一

濕溫案

李左 濕溫四天。身熱有汗不解。胸痞泛噁。口乾不多飲。舌苔薄膩而黃。脉濡滑而數。伏邪濕熱。漫布三焦。氣機不宣。痰濁交阻。胃失降和。治宜宣氣淡滲。

光杏仁三錢

清水豆卷四錢

鮮竹茹錢半

江枳實全炒錢半 茯苓皮三錢

通草八分

白蔻仁一錢

塊滑石三錢

佛手露一兩

生熟苡仁各三錢

仙半夏錢半

酒炒黃芩錢半

鮮藿香佩蘭各錢半

俞左 濕溫五天。身熱不解。有汗惡風。遍體骨楚。胸悶泛噁。不能飲食。舌苔膩佈而垢。脈象濡遲。伏溫夾濕。夾滯互阻。中焦太陽表邪鬱遏。太陰裏濕瀰漫。清不升而濁不降。胃乏展和之權。邪勢正在颺張。擬五苓合平胃散加減。

川桂枝八錢

赤猪苓各三錢

澤瀉錢半

清水豆卷四錢

製川朴一錢

陳皮一錢 半夏一錢 製蒼朮一錢 枳實炭一錢 六神麴三錢

鮮藿梗錢半 鮮佩蘭錢半

王左 溫邪暑濕挾滯互阻。太陰陽明為病。發熱五天。有汗不解。胸痞泛噁。腹痛痢下。日夜四五十次。舌尖絳。中厚灰膩而黃。脉象滑數有力。暑為天之氣。濕為地之氣。暑濕蘊蒸陽明。濕滯鬱於腸間。氣機窒塞。胃失降和。濕溫兼痢之重症。姑宜泄氣分之伏邪。化陽明之垢濁。表裏雙解。通因通用之意。

炒香豉三錢 銀花炭四錢 六神麴三錢 炒竹茹錢半 黑山梔皮錢半

篇豆衣三錢 焦查炭三錢 青陳皮各錢半 酒炒黃芩錢半 仙半夏錢半

鮮藿香錢半 炒赤芍錢半 鮮佩蘭錢半 枳實導滯丸包三錢

李左 伏邪濕熱蘊蒸氣分。漫布三焦。身熱早輕暮重。已有旬餘。白疹布而不多。濕熱原有暗泄之機。無如入夜夢囈如譫語之狀。亦是濕熱薰蒸清竅所致。口乾溲赤。大便溏薄。熱在陽明。濕在太陰。經所謂熱搏注泄是也。吳鞠通先生云。濕溫

之症。氤氳粘膩。非易速解。慮其纏綿增劇。擬葛根黃芩黃連湯加味。解肌清溫。苦化濕熱。

粉葛根二錢 硃茯神三錢 炒麥芽三錢 硃燈心三札 酒炒黃芩錢半

炒銀花三錢 通草八分 水炒川連三分 連翹壳錢半 淨蟬衣八分

雞蘇散三錢 青荷梗一枝 鮮竹葉三十張

王右 濕溫身熱兩候。有汗不解。早輕暮重。口乾不多飲。紅疹白痞。布於胸膈之間。脈數。苔灰黃。伏邪濕熱。蘊蒸氣分。漫布三焦。葉香岩先生云。濕熱為粘膩之邪。最難驟化。所以身熱久而不退也。宜以宣化。

淨蟬衣八分 茯苓皮三錢 香青蒿錢半 荷梗一支 熟牛蒡二錢

通草八分 嫩白薇錢半 黑山梔錢半 清水豆卷三錢 六一散包三錢

酒炒黃芩錢半

楊左 濕溫七天。身熱有汗不解。午後入夜尤甚。口苦而乾渴不多飲。脈濡滑帶。

數。舌苔薄膩。伏邪蘊溼。逗留膜原。少陽陽明為病。前進達原宣化不應。今擬柴葛解肌加味。

軟柴胡 八分
清水豆卷 四錢
仙半夏 錢半
六一散 三錢(包)
粉葛根 錢半

赤苓 三錢
六神麴 三錢
澤瀉 錢半
甘露消毒丹 四錢

二診 服藥兩劑。身熱較前大減。胸脘不舒。納減少寐。餘邪濕熱未楚。胃不和則臥不安也。脈濡滑。苔薄膩微黃。今擬芳香淡滲。以靖餘氛。更當避風節食。不致反復為要。

清水豆卷 四錢
佩蘭葉 錢半
仙半夏 錢半
炒枳壳 一錢
廣藿香 錢半

赤茯苓 三錢
炒秫米 三錢
炒麥芽 四錢
通草 八分
益元散 三錢(包)

佛手 八分
甘露消毒丹 四錢

馮左 濕溫三候。身熱有汗不解。胸痞泛噁。臍腹作脹。兩足痿軟不能步履。苔膩脈濡。濕邪自下及上。自外入內。蓋脚氣之重症也。若加氣喘。則危殆矣。急擬逐濕

下行。

清水豆卷四錢 陳廣皮一錢

製蒼朮一錢

製川朴一錢

仙半夏二錢

枳實炭一錢

赤茯苓三錢

淡吳萸五分

大腹皮二錢

木防已二錢

陳木瓜三錢

生苡仁四錢

生姜三片

范童 初患間瘧。寒短熱長。繼因飲食不節。轉成濕溫。身熱早輕暮重。熱盛之時。

神識昏糊。譫語妄言。胸痞悶。泛噁。腑行不實。舌苔灰膩滿佈。脈象滑數。良由伏溫。

夾濕夾滯。蘊蒸生痰。痰濁蔽蒙清竅。清陽之氣失曠。與陽明內熱者。不可同日而。

語也。頗慮傳經增變。擬清溫化溼。滌痰消滯。去其有形。則無形之邪。自易解散。

豆豉二錢

前胡錢半

乾葛一錢

銀花三錢

連翹三錢

赤苓三錢

半夏二錢

藿香佩蘭各錢半 炒枳實錢半

荷葉一角

竹茹錢半 姜炒

神麩三錢

菖蒲八分

二診 服前方以來。諸恙漸輕。不過夜有夢語如讖之象。某醫以為暑令之恙。暑

熱薰蒸心胞。投芩連益元散竹葉茅根等。變為泄瀉無度。稀粥食升。猶不知飽。渴喜熱飲。身熱依然。舌灰淡黃。脈象濡數。此藜藿之體。中氣本虛。寒涼太過。一變而邪陷三陰。太陰清氣不升。濁陰凝聚。虛氣散逆。中虛求食。有似除中。而尙未至除中也。陰盛格陽。真寒假熱。勢已入于險境。姑仿附子理中。合小柴胡意。冀其應手則吉。

熟附塊 錢半

炒潞黨 二錢

炮姜炭 六分

炒冬朮 二錢

炙草 四分

雲茯苓 三錢

煨葛根 錢半

軟柴胡 七分

仙半夏 二錢

陳皮 一錢

炒穀芽苡仁 各三錢

紅棗 二枚

荷葉 一角

三診 溫運太陰。和解樞機。連服三劑。身熱泄瀉漸減。脹滿亦鬆。腕中雖飢。已不多食。均屬佳境。而神疲倦怠。渴喜熱飲。舌淡黃。脈濡數無力。中虛脾弱。飲水自救。効方出入。毋庸更張。

炒潞黨 二錢

熟附片 一錢

炮姜炭 五分

雲苓 三錢

炙草 五分

大砂仁八分

陳皮一錢

炒穀芽苡仁各三錢

炒白朮二錢

荷葉一角

又服三劑加炒淮藥三錢

按此症驟見似難着手。然既瀉而腹仍膨。則非實脹。已可概見。苔灰淡黃。脈象濡數。俱是假熱。所謂不從脈而從症也。

費左

溼溫三候。初病足背溼熱結毒起見。腐潰不得膿。瘡旁四圍腫紅。焮痛寒熱晚甚。夢語如讖。前醫疊投寒涼解毒。外瘍雖見輕減。而加呃逆頻頻。胸痞泛噁。口有酸甜之味。不能飲食。渴不欲飲。口舌糜腐。小溲短赤。脈象濡滑而數。良由寒涼太過。溼遏熱伏。熱處溼中。胃陽被迫。氣機壅塞。已成壞症。議進辛以開之。苦以降之。芳香以宣之。淡滲以利之。複方圖治。應手乃幸。

仙半夏二錢

淡吳萸一分

鬱金五錢

通草八分

清水豆卷四錢

枳實炭一錢

川雅連四分

姜竹茹五錢

柿蒂五枚

鮮藿香五錢

鮮佩蘭五錢

鮮枇杷葉三張去毛包

二診 連服辛開苦降。芳香淡滲之劑。呃逆止。泛噁亦減。胸痞噫氣。口舌糜腐。依然。口有酸甜之味。身熱起伏無常。小溲短赤。脈象濡數。溼熱為粘膩之邪。最難驟化。膠阻於中。則胸痞噫氣。薰蒸於上。則口有酸甜。三焦決瀆無權。則小溲短赤。白疹不現。邪無出路。前方既見合度。循序前進。以圖後效。

仙半夏 五錢

左金丸 五分包

清水豆卷 四錢

通草 八分

枳實炭 一錢

炒竹茹 二錢

茯苓皮 三錢

鮮藿佩 各五錢

柿蒂 五枚

枇杷葉 五張

滋腎通關丸 五錢包煎

三診 嘔噁止。胸痞未舒。口舌糜腐亦減。白疹漸現。伏邪溼熱。已有暗洩之機。十餘日未更衣。小溲短赤。身熱臨晚似劇。脈濡數。申酉為陽明旺時。陽明腑垢不得下達。三焦之餘溼。一時未易清澈。再守原法。加入通幽潤腸之品。腑垢得去。則經中之餘熱。自無形默化也。

仙半夏 四錢

川連 四分

青蒿梗 五錢

白薇 五錢

清水豆卷 四錢

全瓜蒌四錢切 郁李仁三錢研 大麻仁三錢研 枳實炭一錢 炒竹茹五錢

鮮佩蘭四錢 滋腎通關丸五錢包煎

四診 腑氣已通。諸恙均平。今且調其胃氣。宣化餘溼。更當節飲食。以杜反復。

南沙參三錢 青蒿梗五錢 白薇五錢 清水豆卷三錢 鮮佩蘭五錢

仙半夏五錢 江枳壳一錢 竹茹五錢 通草八分 鮮枇杷葉四張

生熟穀芽各三錢 滋腎通關丸包五錢

徐右 伏溫挾濕。陷入厥陰。神識昏糊。牙關緊閉。四肢逆冷。唇燥而焦。胸悶嘔吐。飲食不進。濕熱釀成濁痰。互阻中焦。胃失降和。脈沈細而數。苔灰黃。况素體陰虧。肝火內熾。更兼懷孕。頗慮殞胎。危篤之症也。仿經旨有故無殞亦無殞也之意。擬四逆散加減。冀陷入之邪。從陽明而解為幸。

銀柴胡一錢 炙遠志肉一錢 炙疆蠶三錢 仙半夏五錢 淨蟬衣七分

九節石菖蒲八分 枳實炭八分 炒竹茹五錢 嫩鈎鈎三錢後下 清水豆卷二錢

廣鬱金 五錢

薄荷葉 八分

淡竹瀝 一兩

姜汁 三四滴冲服

二診 昨進四逆散加減。神識漸清。嘔吐亦止。雖屬佳兆。無如牙關拘緊。齒垢無津。裏熱口乾。胸悶氣粗。按脈沉細而數。良由陰液已傷。津無上承。陷入之溫邪。未能透達。痰熱膠阻肺絡。肺失輸布之權。况懷麟七月。胎氣亦傷。雖見小効。尙不足恃也。今擬生津達邪。清神滌痰。未識能得轉危就安否。

霍石斛 三錢

炙遠志肉 一錢

川貝母 二錢

淡竹油 一兩

清水豆卷 錢

鮮石菖蒲 八分

瓜萋皮 二錢

嫩鈎鈎 三錢後下

黑山梔 二錢

鮮竹茹 二錢

枳實 七分全炒

三診 神識漸清。嘔吐漸止。牙關拘緊亦舒。齒垢無津。咳嗽咯痰不爽。裏熱頭眩。按脈濡滑而數。是陰液已傷。津少上承。陷入之邪。有暗泄之機。厥陽升騰。痰熱膠阻肺絡。肺失輸佈。懷麟七月。今太陰肺經司胎。胎熱乘肺。肺氣愈形窒塞。雖踰險嶺。未涉坦途。再宜生津達邪。清神滌痰。冀望正勝邪却為吉。

霍山石斛三錢 炙遠志肉一錢 霜桑葉三錢 清水豆卷三錢 鮮石菖蒲八分

滁菊花三錢 黑山梔二錢 鮮竹茹二錢 光杏仁三錢 川貝母二錢

瓜蒌皮二錢 嫩鈎鈎三錢後下 鮮枇杷葉三張 淡竹油一兩沖

四診 神識已清。津液漸回。裏熱亦減。而嘔吐又起。不能飲食。口舌碎痛。腑氣不行。脈象左弦數。右濡滑。此濕火上升。痰濁未楚。肺胃之氣。不得下降。能得不生枝節。可望漸入佳境。仍宜生津和胃。苦降痰濁。懷麟七月。助順胎氣。

川石斛三錢 川貝母二錢 炙白蘇子五錢 水炒川連三分 全瓜蒌四錢切

旋覆花五錢包 仙半夏五錢 鮮竹茹二錢

乾蘆根一兩去節 清炙枇杷葉三錢去毛包 柿蒂十四枚 廣橘白一錢

五診 嘔吐已止。口舌碎痛亦減。胸脘不舒。飲食少進。神疲。右額赤色。脈象軟滑無神。懷麟七月。陽明少陰。陰液已傷。痰濁未楚。厥氣乘勢橫逆。再宜益陰柔肝。助順胎氣。而化痰濁。

川石斛三錢 抱茯神三錢 廣橘白一錢 生白芍二錢 川貝母二錢

炒竹茹二錢 仙半夏五錢 瓜蒌皮二錢 生熟穀芽各三錢

乾蘆根二兩去節 清炙枇杷葉三錢去毛包 春砂壳四分

六診 嘔吐止。口舌碎痛亦減。惟納穀不香。頸項胸膈發出白痞。伏邪濕熱。已有外洩之佳象。口乾不多飲。舌質紅苔薄膩。脈象濡滑而數。陰傷難復。濁痰未化。津少上承。懷麟七月。胎前以清熱養陰為主。再宜養陰宣肺和胃化痰。

川石斛三錢 抱茯神三錢 熟穀芽四錢 淨蟬衣八分 清水豆卷三錢

佩蘭梗五錢 光杏仁三錢 陳廣皮一錢 清炙枇杷葉三錢去毛包

象貝母三錢 炒竹茹五錢 乾蘆根一兩去節 淨蟬衣八分 吉林參鬚八分

謹此按症為陰虛溫邪內陷。若遇時醫見神識昏糊而大進犀羚。則邪遏不達而斃。或見四肢逆冷而任投姜附。則陰液涸竭而亡。况懷麟七月。恐其胎氣受傷。用藥最為棘手。而夫子初診。即認定為熱厥。投四逆散以解之。繼又速進養

陰清熱之劑使內陷之邪由藏轉府由裏達表竟使病者得慶更生夫子之識

見深矣治安幸列門牆彌殷鑽仰謹錄之受業朱治安誌

鄒女 濕溫九天身熱午後尤甚口乾不多飲頭痛且脹胸悶不能食腑行溏薄

舌苔薄膩帶黃脈象濡數左關帶弦溫與濕合熱處濕中蘊蒸膜原漫布三焦溫

不解則熱不退濕不去則溫不清能得白痞而邪始有出路然濕為粘膩之邪最

難驟化恐有纏綿之慮姑擬柴葛解肌以去其溫芳香淡滲而利其濕

軟柴胡八分

葛根錢半

清水豆卷三錢

赤苓三錢

澤瀉五錢

銀花炭三錢

連翹二錢

鮮藿香錢半

鮮佩蘭錢半

神麴二錢

大腹皮二錢

通草八分

荷葉一角

甘露消毒丹四錢包

二診 濕溫十二天汗多身熱雖減而溏瀉更甚於前日夜有十餘次之多細視

所瀉之糞水黑多黃少並不臭穢唇焦齒垢口乾欲飲飲入腸鳴小溲短少而赤

舌邊紅苔乾黃脈象左濡數右濡遲跌陽之脈亦弱此太陰為濕所困清氣下陷

糞水黑多黃少。黑屬腎色。是少陰勝。跌陽負。明矣。况瀉多既傷脾。亦傷陰。脾陽不能為胃行其津液。輸運於上。陰傷津液亦不上承。唇焦齒垢。職是故也。書云。自利不渴者。屬太陰。自利而渴者。屬少陰。少陰為水火之臟。為三陰之樞。少陰陰陽兩傷。上有浮熱。下有虛寒。顯然可見。脈證參觀。頗慮正不敵邪。白痞不能外達。有內陷之險。欲滋養。則礙脾。欲溫化。則傷陰。顧此失彼。殊屬棘手。輾轉思維。惟有扶正祛邪。培補中土。冀正旺。則伏邪自達。土厚。則虛火自斂。未識能弋獲否。

人參鬚一錢

米炒於朮二錢

清水豆卷四錢

雲苓三錢

生甘草三分

炒懷藥三錢

炮姜炭三分

炒篇豆衣三錢

炒穀芽苡仁各三錢

乾荷葉一兩

陳倉米一兩煎湯代水

三診 濕溫兩候。前方連服三劑。洩瀉次數已減。所下糞水。仍黑黃夾雜。小溲短赤。口乾欲飲。齒縫滲血。舌邊紅苔乾黃。脈象濡數。尺部細弱。白痞布於胸膈臍腹之間。籽粒細小不密。伏溫蘊濕。有暗洩之機。然少陰之陰。太陰之陽。因瀉而傷。清

津無以上供。瀉不止。則正氣不復。正不復。則邪不能透達。雖逾險嶺。未涉坦途也。仍宜益氣崇土爲主。固胃瀉腸佐之。

吉林參 一錢

米炒於朮 二錢

生甘草 三分

雲苓 三錢

炒淮藥 三錢

不熟炒川貝 二錢

禹餘糧 三錢

炒穀芽 三錢

橘白 一錢

炒薏仁 三錢

山分乾荷葉 一角

四診不濕溫十七天。泄瀉已減七八。糞色轉黃。亦覺臭穢。太陰已有健運之漸。白痞布而甚多。色亦顯明。正勝邪達之佳象。口乾而膩。不思穀食。睡醒後面紅。稍有讖語。逾時而清。脈濡數而緩。舌質紅苔黃。良由氣陰兩傷。神不安舍。餘濕釀成痰濁。留戀中焦。胃氣呆頓。今擬七分扶正。二分祛邪。虛實兼顧。以善其後也。

人參鬚 八分

炒於朮 錢半

炒川貝 二錢

雲苓神 (辰砂拌) 各三錢

遠志 一錢

炒淮藥 三錢

橘白 一錢

炒穀芽苡仁 各三錢

清水豆卷 三錢

佩蘭 錢半

清炙枇杷葉 二錢

張左 秋溫伏暑。蘊蒸陽明。身熱甚壯。有汗不解。口乾欲飲。苔黃脉數。兩足逆冷。是熱在陽明。濕在太陰。與中寒者不同。症勢沉重。姑擬加味蒼朮白虎湯。清溫燥濕。以望轉機。

生石膏 五錢

天花粉 三錢

黑山梔 錢半

肥知母 錢半

金銀花 三錢

活蘆根 一兩

生甘草 五分

連翹壳 錢半

製蒼朮 一錢

王幼濕溫伏邪。已十六天。汗多潮熱。口乾欲飲。白痞佈於胸腹之間。八九日未更衣。臍下按之疼痛。舌紅絳。中後膩黃。脈象沉數。疊投清溫化濕之劑。諸症不減。良由伏邪蘊濕化熱。由氣及營。由經入腑。腑中宿垢不得下達也。吳又可云。溫病下不嫌早。導滯通腑爲主。清溫涼營佐之。使有形之滯得下。則無形之邪。自易解散。

生川軍 二錢

元明粉 錢半 後入枳實 一錢

生甘草 五分

冬桑葉 二錢

粉丹皮 二錢

青蒿 錢半

嫩白薇 錢半

京赤芍 錢半

青荷梗 一尺

活水蘆根 一尺 去節

覆診 昨進導滯通腑。清營泄熱之劑。腑氣已通。潮熱漸減。白痞佈而不多。口乾欲飲。舌中膩黃漸化。脈濡數無力。陰液暗傷。餘熱留戀氣營之間。清津無以上供。今擬生津清化。佐入和胃之品。尚須節食。恐多食則復。少食則遺之弊。

天花粉三錢

霜桑葉二錢

粉丹皮錢半

京赤芍錢半

硃茯神三錢

青蒿梗錢半

嫩白薇錢半

通草八分

六一散三錢包

青荷梗一尺

生熟穀芽各三錢

裘左

濕溫入天。壯熱有汗不解。口乾欲飲。煩躁不寐。熱盛之時。譫語妄言。胸痞泛惡。不能納穀。小溲渾赤。舌苔黃多白少。脈象弦滑而數。陽明之溫甚熾。太陰之濕不化。蘊蒸氣分。漫布三焦。有溫化熱。濕化燥之勢。症非輕淺。姑擬蒼朮白虎湯加減。以觀動靜。

生石膏三錢

肥知母錢半

枳實炭一錢

通草八分

製蒼朮八分

茯苓皮三錢

炒竹茹錢半

飛滑石三錢

仙半夏錢半

活蘆根一尺

荷梗一尺

二診 今診脈洪數較緩。壯熱之勢大減。稍能安寐。口乾欲飲。胸悶泛噁。不能納穀。舌苔膩黃漸化。伏溫漸解。而蘊濕猶留中焦也。既見効機。毋庸更張。參入芳香淡滲之品。使濕熱有出路也。

熟石膏三錢

仙半夏二錢半

枳實炭一錢

澤瀉一錢

製蒼朮八分

赤茯苓三錢

炒竹茹二錢半

通草八分

飛滑石三錢

鮮藿佩各錢半

荷梗一尺

三診 熱退數日。復轉寒熱似瘧之象。胸悶不思納穀。且有泛噁。小溲短赤。苔黃口苦。脈象左弦數。右濡滑。此伏匿之邪。移於少陽。蘊濕留戀中焦。胃失降和。今宜和解樞機。芳香淡滲。使伏匿之邪。從樞機而解。濕熱從小便而出也。

軟柴胡八分

仙半夏二錢

酒黃芩一錢

赤苓三錢

枳實一錢

炒竹茹二錢半

通草八分

鮮藿佩各錢半

澤瀉錢半

荷梗一尺

趙童 濕溫已延月餘。身熱早輕暮劇。有時畏冷背寒。熱盛之時。讖語鄭聲。渴喜熱飲。小溲短赤。形瘦骨立。納穀衰微。舌質紅。苔薄黃。脈象虛弦而數。白疹佈而不多。色不顯明。良由病久正氣已虛。太少之邪未罷。蘊濕留戀膜原。樞機不和。頗慮正不敵邪。致生變遷。書云。過經不解。邪在三陽。今擬小柴胡合桂枝白虎湯加減。本虛標實。固本去標爲法。

潞黨參

錢半

軟柴胡

一錢

生甘草

五分

仙半夏

二錢

熟石膏

三錢

赤茯苓

三錢(硃砂拌)

炙遠志

一錢

川桂枝

八分

通草

八分

澤瀉

錢半

焦穀芽

三錢

佩蘭葉

錢半

二診 進小柴胡合桂枝白虎湯加減。寒熱漸退。讖語亦止。白疹布而漸多。脈象濡數。苔薄黃。太少之邪。已有外達之勢。口乾不多飲。精神疲倦。穀食衰微。正氣已奪。脾胃鼓舞無權。今擬制小其劑。扶正祛邪。理脾和胃。冀胃氣來復。自能入於坦途。

潞黨參 錢半

銀柴胡 一錢

生甘草 五分

雲苓 三錢 (辰砂拌) 仙半夏 二錢

粉葛根 錢半

廣橘白 一錢

佩蘭葉 錢半

白薇 錢半

川通草 八分

生熟穀芽 各三錢

生姜 一片

紅棗 三枚

李左

脉來濡數。濡為濕。數為熱。濕與熱合。蘊蒸氣分。漫布三焦。是以身熱三候。朝輕暮重。白疹滿布胸膈之間。形瘦神疲。乃濕熱鬱久不化。耗氣傷陰所致。症勢非輕。急宜存陰清宣。

金石斛 三錢

嫩白薇 錢半

六一散 三錢

象貝母 三錢

南北沙參 各錢半

茯苓皮 三錢

淨蟬衣 八分

鮮竹葉 三十張

香青蒿 錢半

通草 八分

連翹壳 錢半

荷梗 一枝

沈左

溼溫四候。身熱早輕暮重。有汗不解。白痞已佈。色不顯明。口乾欲飲。唇燥齒垢。形瘦神疲。舌質紅。苔微黃。脈濡數無力。此乃氣陰已傷。餘邪溼熱。留戀氣營之間。入夜夢語如讖。有神不守舍之象。且有咳嗽。肺胃亦虛。虛多邪少。還慮生波。

今擬清養肺胃之陰。宣化三焦之溼。

南沙參三錢

硃茯神三錢

川貝二錢

通草八分

川石斛三錢

冬桑葉三錢

瓜蒌皮二錢

冬瓜子三錢

嫩白薇錢半

粉丹皮錢半

廣橘白一錢

生苡仁三錢

清炙枇杷葉二錢去毛包

復診

諸恙見輕。原方加北秫米包三錢

鄭左

濕溫十六天。身灼熱。有汗不退。口渴欲飲。煩躁少寐。夢語如讖。目紅溲赤。

舌紅糙無津。脈象弦數。紅疹佈於胸膈之間。此溫已化熱。濕已化燥。燥火入營。傷陰劫津。有吸盡西江之勢。化源告竭。風動痙厥之變。恐在目前。亟擬大劑生津涼營。以清炎熾之威。冀其津生邪却。出險入夷為幸。

鮮生地六錢

天花粉三錢

川貝母二錢

生甘草八分

粉丹皮二錢

冬桑葉三錢

銀花八錢

白薇錢半

羚羊片八分

硃茯神三錢

帶心連翹三錢

茅蘆根各一兩

鮮石斛四錢

鮮竹葉卅片

二診 濕溫十八天。甘寒清解。已服二劑。舌紅糙略潤。津液有來復之漸。身灼熱。口渴引飲均減。夜寐略安。佳境也。紅疹佈而漸多。目白紅絲。小溲短赤。脈數不靜。少陰之陰已傷。水不濟火。營分之熱尙熾。木火升騰。前方既見效機。毋庸改弦。易轍也。

原方加

西洋參 錢半

鮮藕 四兩(切片入煎)

三診 濕溫三候。溫化熱。濕化燥。疊進生津涼解。身灼熱大減。寐安。夢語亦止。紅疹滿佈。營分之熱已得外達。脈數不靜。舌轉光紅。小便黃。七八日未更衣。陰液難以驟復。木火尙熾。餘焰未淨。仍擬生津洩熱。佐通腑氣。雖緩下。亦寓存陰之意。

西洋參 錢半

冬桑葉 二錢

天花粉 三錢

白薇 錢半

鮮生地 四錢

粉丹皮 二錢

川貝母 三錢

生甘草 六分

鮮石斛 四錢

硃茯神 三錢

郁李仁 三錢(研)

麻仁 四錢(研)

活蘆根 一尺(去節)

四診 濕溫二十二天。身灼熱已退。寐安神清。紅疹布而漸化。腑氣亦通。舌質紅。

苔微白脈象濡軟而數精神疲倦小溲淡黃穀食無味邪退正虛脾胃鼓舞無權今擬養正和胃寒涼慎用慮過猶不及也

西洋參五錢(米炒)

硃茯神三錢

川石斛三錢

生甘草五分

通草八分

瓜蒌皮二錢

廣橘白一錢

川貝母二錢

北秫米三錢(包)

巫左

濕溫症已延月寒熱時輕時劇口乾不喜飲腑行溏薄初由伏邪溼熱蘊于募原少陽樞機不和太陰爲濕所困清氣不升閱前方參附龍牡姜桂二陳等劑溫瀋太過致伏邪無路可出愈鬱愈深如膠似漆邪遏化熱溼遏化燥傷陰劫津化源告竭氣逆而促神糊讖語所由來也舌苔黑糙而垢有似少陰熱結旁流急下存陰之條無如脈象左弦細促數右部虛散復無燥實堅滿之形安有可下之理陰液枯槁正氣亦匱厥脫之變即在目前矣勉擬增液生津以救其焚亦不過盡人力以冀天眷

西洋參三錢

硃茯神三錢

天竺黃錢半

嫩鉤鉤三錢後入大麥冬二錢

紫貝齒三錢 銀柴胡八分 枳實炭八分 霍石斛三錢 川貝母二錢

清炙草四分 炒竹茹錢半

費右 濕溫三候。灼熱不退。舌絳起刺。脉洪數。溫邪化火。由氣入營。熱邪內熾。擾犯胞宮。傷津劫液。化源欲竭。以致唇焦齒垢。讖語妄言。內陷重症。危篤之至。擬養陰救液。清火開竅。未識能有挽回否。

犀角尖三分 粉丹皮錢半 帶心麥冬三錢 鮮石菖蒲五分 鮮生地三錢

京赤芍錢半 上川連三分 鮮竹葉心三錢 帶心連翹三錢 京元參三錢

天竺黃二錢 活蘆根一兩 牛黃清心丸一粒(另研細末化服)

葉左 初病喉痧。治愈之後。因復感停滯。釀成濕溫。身熱有汗不解。臨晚畏寒。入夜熱勢較盛。天明即覺輕減。已有三候。口乾不多飲。小溲短赤。逾時有粉汁之形。苔薄黃。脈濡數。素有失紅。陰虛體質。疊進清溫化濕之劑。其熱非特不減。反加膚腫足腫。臍腹飽滿。面浮咳嗽。細推病情。太陽經邪未解。膀胱腑濕不化。久則濕困。

太陰健運無權。濕爲陰邪。易於化水。水濕泛濫。則爲膚腫足腫。中陽不行。濁陰凝聚。則爲臍腹飽滿。水濕逆肺。則爲咳嗽面浮。格陽於外。則身熱不退也。恙勢已入險境。豈可泛視。今擬五苓加味。溫開太陽而化水濕。勿可拘執陰虛體質。而畏投溫劑。致一誤而再誤也。然乎否乎。質之高明。

川桂枝 八分

連皮苓 四錢

炒白朮 三錢

猪苓 三錢

仙半夏 三錢

大腹皮 二錢

砂仁 八分

光杏仁 三錢

澤瀉 一錢

姜皮 八分

陳皮 一錢

冬瓜子皮 各三錢

二診 兩進五苓。症勢未見動靜。夫太陽爲寒水之經。本陰標陽。太陽與少陰爲表裏。少陰爲水火之臟。本熱標寒。太陽之陽不行。少陰之陽亦傷。少火不能生土。中央乾健無權。水濕日積。泛濫橫溢。濁陰凝聚。陰盛格陽。肺失治節。水道不行。險象環生。殊可慮也。脈象寸部濡數。關尺遲弱。眞陽埋沒。陰霾滿佈。若加氣喘。則難爲力矣。再擬五苓合眞武湯。震動腎陽。溫化水濕。千鈞一髮。惟此一舉。狂見如斯。

明者何如。

熟附塊一錢 川桂枝八分 陳皮一錢 大砂仁八分 連皮苓四錢

猪苓二錢 大腹皮二錢 川椒目十四粒 炒白朮三錢 澤瀉錢半

水炙桑皮錢半 淡姜皮八分

三診 連服五苓真武以來。膚腫跗腫腹滿。已見輕減。小溲稍多。真陽有震動之漸。水濕有下行之勢。臨晚形寒身熱。至天明得汗而退。樞機有斡旋之意。均屬佳象。口乾渴喜熱飲。痰多咳嗽。穀食衰微。白苔化而轉淡。夫太陰為濕久困。乾健無權。肺失肅化。脈象關尺遲弱略起。雖逾險嶺。未涉坦途。仍守前法。努力前進。

桂枝六分 白朮三錢 熟附塊一錢 軟柴胡七分 大腹皮二錢

茯苓四錢 澤瀉錢半 大砂仁八分 仙半夏二錢 水炙桑皮錢半

清炙草五分 生薑兩片 紅棗四枚 炒穀芽苡仁各三錢

四診 溫少陰。開太陽。運中央。逐水濕。又服二劑。腫退腹滿漸消。臨晚寒熱亦輕。

惟痰多咳嗽。納穀衰少。小溲不清。苔薄膩微黃。脈象緩滑。此脾不健運。胃不流通。濕痰積之於肺。肺失肅化之權。再仿前意。制小其劑。

吉林參鬚八分 連皮苓四錢 炒白朮錢半 光杏仁三錢 冬瓜子皮各三錢

軟柴胡八分 福澤瀉錢半 清炙草五分 大砂仁八分 仙半夏二錢

陳皮一錢 熟附塊八分 炒穀麥芽各三錢

五診 腫滿已消。寒熱亦退。惟納穀衰少。口有甜味。痰多咳嗽。小溲不清。脈象濡滑。餘濕留戀中焦。脾胃運化失司。津液不佈為痰。此痰多而咳嗽也。今當調理脾胃。以化餘濕。節其飲食而慎起居。

炒白朮五錢 陳廣皮一錢 清水豆卷四錢 炒穀芽苡仁各三錢

冬瓜子皮各三錢 連皮苓四錢 仙半夏二錢 省頭草錢半 大砂仁七分

光杏仁三錢 川貝二錢 通草八分 清炙枇杷葉二錢去毛包煎

哈右 濕溫匝月。身壯熱。汗多畏寒。胸悶嘔吐。納食不進。煩燥懊懣。少腹脹痛拒

按。溺時管痛。小便不利。口乾唇燥。渴喜熱飲。舌苔白膩。脈象左弦遲而緊。右沉細無力。據述病起於經行之後。閱前所服之方。梔鼓二陳。瀉心八珍。金鈴子散等劑。推其病情。其邪始在太陰陽明。苦寒疊進。邪遂陷入少陰厥陰。清陽窒塞。蓄瘀積於下焦。膀胱宣化失司。煩躁似陽。實陰躁也。陰盛於下。格陽於上。若再投苦降。則邪愈陷愈深矣。今擬吳茱萸湯加味。溫經逐濕。理氣祛瘀。冀其轉機為幸。

淡吳萸六分

熟附片八分

赤苓三錢

連壳薏仁八分

焦查炭三錢

姜半夏二錢

砂仁八分

陳皮八分

延胡索一錢

五靈脂錢半

兩頭尖錢半酒浸包

澤瀉一錢

生姜兩片

二診 兩進吳茱萸湯。嘔吐煩躁均已輕減。少腹脹痛亦鬆。反加大便溏泄。有七八次之多。寒滯有下行之機。中陽有來復之漸。佳象也。身熱依然。口乾唇燥。渴喜熱飲。苔膩稍化。脈仍弦遲。勿可因口乾唇燥。即改弦易轍。雖有身熱。可毋庸慮。但使衛陽能入于陰。則身熱自除矣。仍守原法。更進一籌。

原方去生姜 連壳薏仁 加炮姜炭六分 炒白朮一錢

三診 嘔吐溏泄已止。少腹脹痛亦減大半。惟小溲不利。溺時管痛。唇燥口乾。不多飲。脈象寸關濡滑。尺部濇遲。是蓄瘀蘊溼。留戀下焦。膀胱氣化無權。脾不能為胃行其津液。浸潤於上。症雖轉機。還當謹慎。今制小其劑。加入通關滋腎之品。使蓄瘀蘊濕從下竅而出。

吳萸四分 仙半夏二錢 熟附片八分 赤苓三錢 陳皮一錢

炒白朮二錢 炮姜炭四分 清炙草四分 砂仁八分 琥珀屑六分

通天草五錢 滋腎通關丸三錢包煎

四診 諸恙十減七八。小溲亦利。惟納穀衰少。神疲肢倦。唇乾口乾。不多飲。苔轉淡黃。脈現濡緩。是脾胃兩傷。運化失常。今擬醒脾和胃。而宣餘溼。隔一日服一劑。仿經旨大毒治病。十去其八。小毒治病。十去其六。毋使過之。傷其正也之意。

炒白朮二錢 雲苓三錢 清炙草五分 陳皮一錢 仙半夏二錢

大砂仁八分 焦穀芽五錢 省頭草五錢 絳通草八分 通天草五錢

生姜兩片 紅棗四枚

鄭左 溼溫十八天。初起身熱。繼則不熱。兩顫紅赤。小溲自遺。時時欲寐。舌灰薄。賦口乾不欲飲。脈沈細無神。此邪陷少陰。腎陽堙沒。龍雷之火。飛越於上。戴陽症也。殊為可慮。急擬溫經扶正而潛浮陽。未識能得挽救否。

潞黨參五錢 龍骨三錢 煨益智錢半 灸遠志一錢 熟附塊三錢

牡蠣三錢 清炙草五分 炒於朮錢半 鹿角霜五錢

覆診加灸黃耆 大砂仁

周左 濕溫月餘。身熱汗多。神識昏糊。譫語鄭聲。唇燥口乾。不欲飲。穀食不進。舌苔乾膩。脈象沈細。此濕邪久困太陰。陷入少陰。濕為陰邪。最易傷陽。衛陽失於外護。則汗多。浮陽越於驅壳。則身熱。神不守舍。則神糊。與熱入心胞者。有霄壤之別。動則微喘。腎氣不納也。十餘日未更衣。此陰結也。脈證參合。正氣渙散。陰陽脫離。

卽在目前矣。急擬參附回陽。龍牡潛陽。苟能陽回神定。庶可望轉危爲安之幸。

別直參 二錢 熟附塊 二錢 左牡蠣 三錢 大砂仁 八分 仙半夏 二錢

炙遠志 一錢 花龍骨 三錢 硃茯神 三錢 炒棗仁 三錢 北秫米 三錢包

浮小麥 四錢

二診 兩進參附回陽。龍牡潛陽。汗收神清。陽氣有內返之佳境。口乾渴善熱飲。納穀衰少。精神困頓。十餘日未更衣。腹內微脹並不拒按。苔乾膩。脈沉細。陽不運行。陰氣凝結。腸垢不得下達。猶嚴寒之時。永冰而地坼也。險嶺雖逾。未入坦途。再擬扶正助陽。溫通腑氣。

別直參 錢半 熟附塊 錢半 硃茯神 三錢 炙遠志 一錢 炒棗仁 三錢

仙半夏 三錢 陳廣皮 一錢 大麻仁 四錢研 郁李仁 三錢研 火麻仁 三錢研

焦穀芽 四錢 半硫丸 二錢

外用蜜煎導法

三診 服兩劑後。腑氣已通。餘恙如故。原方去半硫丸、郁李仁、大麻仁。加米炒於朮。

朱孩 濕溫已延月餘。身熱不退。腹疼便泄。大腹膨脹。面浮體腫。舌苔灰黃。脈象

濡數。紋色青紫。已逾氣關。某專科投以銀翹、芩、連、滑石、通草、查麵、鷄金、荅、朮等。意謂疔積成矣。惟按脈論症。此三陽之邪。已傳入三陰。在太陽則大腹脹滿。在少陰則泄瀉體腫。在厥陰則腹痛肢冷。衛陽不入於陰。則發熱。水濕泛濫橫溢。則遍體浮腫。小孩稚陽。病情若此。猶小舟之重載。覆沉可慮。今擬真武理中。小柴胡複方圖治。冀挽回于什一。

熟附片 八分

炒乾姜 五分

炒白朮 錢半

連皮荅 三錢

陳皮 一錢

炒潞黨 一錢

軟柴胡 五分

清炙草 五分

川椒目 十粒

砂仁 八分

大腹皮 二錢

六神曲 三錢

二診 服理中真武小柴胡複方以來。腹脹滿。肢體腫。均見輕減。泄瀉亦止。佳兆。

也。惟身熱晚作。乳食少進。口乾欲飲。指紋色青紫。已回氣關之內。脈仍濡數無力。是陰盛格陽。真寒假熱。切勿因身熱而即改弦易轍也。仍守原法。努力前進。

原方加 嫩白薇一錢

三診 腫脹十減七八。身熱亦覺漸退。惟神疲形瘦。穀食少進。水濕已化。正虛困頓。脾胃陽衰。鼓舞無權也。仍守原方出入。

原方去柴胡。加焦穀芽三錢

佩蘭梗錢半

按此症疑似之處。最難辨別。認定三陰見象。投以溫藥。故能無慮也。否則再進寒涼。必致邪陷陽越。而不起矣。

... 症候... 醫治... 藥方... 效驗...

... 脈式... 藥方... 效驗...

... 脈式... 藥方... 效驗...

... 脈式... 藥方... 效驗...

孟河丁氏醫案卷一

痙症案

陳幼 兩目上竄。時劇時輕。今晚角弓反張。臍腹疼脹。舌強不利吮乳。舌尖邊淡紅。中後薄膩。脉濡弱。哭聲不揚。氣陰暗傷。虛風內動。痰熱逗留。肺胃氣機窒塞。竅道不通。與熄風安神化痰宣肺法。

煨石決 三錢

硃茯神 三錢

川象貝 各二錢

嫩鈎鈎 三錢後下 青龍齒 三錢

炙遠志 一錢

陳木瓜 二錢

山茨菇片 五分

淨蟬衣 八分

炙姜蠶 三錢

珍珠粉 一分冲服

金器 一具入煎

二診 角弓反張之勢已和。舌強不利吮乳。手足心熱。哭泣聲啞。脉象弦細。風陽挾痰熱上阻。廉泉橫竄絡道。肺胃氣機窒塞不宣。再擬熄風滌痰。清熱宣肺。

霜桑葉 二錢

硃茯神 三錢

川象貝 各二錢

嫩白薇 一錢五錢 甘菊花 三錢

遠志肉一錢

炙姜蠶三錢

青龍齒三錢

淨蟬衣八分

煨石決三錢

山茨菇片四分

嫩鈎鈎三錢後入淡竹瀝一兩冲服真猴棗珍珠粉各一分冲服

金器一具入煎

朱幼 初病伏邪化熱銷燦陰液發熱口渴唇皮焦燥過服清涼以致脾陽受傷

清氣下陷小溲清長而大便溏泄也勢成慢驚重症急擬溫腎運脾

煨葛根二錢

炒於朮一錢五分陳廣皮一錢

扁豆衣三錢

熟附片八分

炙甘草五分

焦穀芽三錢

炮姜炭四分

炒淮藥三錢

乾荷葉一角

馮幼 先天不足後天又弱吐瀉已久神疲內熱口乾不多飲舌質紅脈紋紅紫

帶青已過氣關嘔吐傷胃泄瀉傷脾脾陽胃陰兩傷肝木來乘所謂陰虛生內熱

陽陷則殞泄也漸入慢驚一途恐鞭長莫及矣勉擬連理湯加味溫養脾胃抑木

和中以望轉機

炒潞黨參錢半

炙甘草四分

炮姜炭三分

焦穀芽三錢

陳木瓜二錢

陳廣皮一錢 雲茯苓三錢 川雅連三分 炒於朮一錢五分 灶心黃十二兩

馬左 形寒畏冷。遍身骨楚。頭項強痛。泛泛作噁。小溲短少。脉緊急。苔薄膩。太陽

陽明。兩經同病。急與葛根湯散其寒邪。不致纏綿是幸。

粉葛根錢半 雲苓三錢 炒穀芽三錢 川桂枝五分 姜半夏三錢

陳佩蘭錢半 淨麻黃五分 陳廣皮錢半 炒香鼓三錢 煨姜兩片

二診 昨進葛根湯。得汗甚多。頭項痛骨楚均舒。泛泛作噁已止。身熱頭眩。口乾

欲飲。脉象弦數。苔薄膩黃。舌質紅。太陽之邪已解。陽明之熱內熾。幸喜素體強盛。

不致遷延。今與桂枝白虎。一以清陽明之熱。一以肅太陽之邪。

川桂枝三分 赤苓三錢 炒穀芽三分 生石膏三錢 江枳壳錢半

省頭草錢半 天花粉三錢 苦桔梗八分 炒竹茹錢半 乾蘆根五錢

費左 身熱不退。頭項強痛。角弓反張。神昏識語。渴喜冷飲。脉象弦數。苔薄膩。舌

紅。前醫疊投表散之劑。汗出太多。高年氣陰本虧。重汗之陰。以致陰虛。不能斂陽。

二元不入於陽。若見風動呃逆。則無望矣。急與桂枝羚羊。未識能轉危為安否。

粉葛根 錢半 硃茯神 三錢 生石決 四錢 川桂枝 三分 羚羊片 五分

鮮石菖蒲 一錢 嫩鈎尖 三錢 天花粉 三錢 天竹黃 錢半 鮮竹葉 三十張

活蘆根 一尺

二診 頭項強痛輕減。身熱亦畧退。神志平靜。渴喜多飲。脈細數。苔膩。舌紅。陰虧於下。陽浮於上。前方既見效機。仍守原意出入。

粉葛根 錢半 硃茯神 三錢 生石決 五錢 羚羊角 五分 石菖蒲 八分

嫩鈎尖 三錢 天花粉 三錢 天竹黃 錢半 川貝母 三錢 鮮竹葉 三十張

硃燈心 二札

三診 神志已清。頭項強痛亦止。神疲欲臥。納穀不香。脈濡細。苔薄膩。險嶺已逾。可告無虞。再與清養之品。善後可矣。

冬桑葉 三錢 硃茯神 三錢 生穀芽 三錢 甘菊花 三錢 川貝母 三錢

香佩蘭

錢半

生石決

三錢

天花粉

三錢

生竹茹

錢半

嫩鈎尖

三錢

鮮竹葉

三十張

[Faint, illegible text within a rectangular border, likely bleed-through from the reverse side of the page.]

孟河丁氏醫案 卷二

武進孟河丁澤周甘仁著

男元

彙錄

孫

濟萬編訂

濟華校讐

濟民

霍亂案

陳左 夏月陽外陰內偏嗜生冷。腠理開發。外邪易襲。驟觸疫癘不正之氣。由口

鼻而直入中道。以致寒暑濕滯互阻中焦。清濁混淆。亂於腸胃。胃失降和。脾之升運。而大吐大瀉。揮霍撩亂。陰邪錮閉於內。中陽不伸。不能鼓擊於脈道。故脈伏。不能通達於四肢。故肢冷。兩足轉筋。一因寒則收引。一因土虛木賊也。汗多煩躁。欲坐井中之狀。口渴不欲飲。是陰盛於下。格陽於上。此陰躁也。形肉陡然削瘦。脾土

大傷。穀氣不入。生化欲絕。陰邪無退散之期。陽氣有脫離之險。脈證參合。危在旦夕間矣。擬白通四逆。加人尿猪膽汁意。急回欲散之陽。驅內勝之陰。背城借一。以冀獲效。

生熟附子 各二錢

淡乾姜 五錢

炙草 一錢

姜半夏 三錢

吳萸 七分

川連 三分

赤苓 四錢

陳皮 一錢

陳木瓜 五錢

童便 一杯

猪膽汁 沖服三四滴

覆診 吐瀉煩躁均減。脈伏肢冷依然。加炒潞黨參四錢。

羅左 觸受寒疫不正之氣。夾濕滯交阻。太陰陽明為病。清濁相干。升降失常。猝

然吐瀉交作。脈伏肢冷。目陷肉削。汗出如雨。脾主四肢。濁陰盤踞中州。陽氣不能通達。脈伏肢冷。職是故也。陽氣外越。則自汗。正氣大虛。則目陷肉削。舌苔白膩。虛中挾實。陰霍亂之重症。亟擬白通四逆湯。合附子理中湯。加減。以期轉機為幸。

熟附子塊 二錢

淡乾姜 一錢

清炙草 八分

姜半夏 三錢

吳萸 七分

童便冲服一酒杯 炒潞黨參三錢 生白朮二錢 赤苓四錢 製川朴一錢

川連三分 猪膽汁冲服三四滴 灶心黃土一兩 陰陽水煎

朱右 疫癘之邪。由口鼻而直入中道。與伏暑濕滯互阻。脾胃兩病。猝然腹中絞痛。煩躁懊懣。上為嘔吐。下為泄瀉。四肢厥逆。口乾欲飲。脈伏。舌苔薄膩而黃。清氣在下。濁氣在上。陰陽乖戾。氣亂於中。而為上吐下瀉。濕遏熱伏。氣機閉塞。而為肢冷脈伏。熱深厥深。霍亂重症。亟宜莫連解毒湯加減。辛開苦降。芳香化濁。翼挽回於什一。

上川連八分 淡吳萸二分 仙半夏三錢 枳實炭一錢 黃芩錢半

藿香梗錢半 六神麴三錢 赤猪苓各三錢 炒白芍錢半 玉樞丹四分磨冲

陰陽水煎

二診 昨投莫連解毒湯。吐瀉漸減。脈息漸起。四肢微溫。佳兆也。惟煩躁乾噁。口渴喜冷飲。舌前半紅絳。中後薄黃。小溲短赤。是吐傷胃。瀉傷脾。脾陽胃陰既傷。木

火上冲。伏暑濕熱留戀不化也。今守原意。加入清暑滲濕之品。能得不增他變。可冀出險履夷。

上川連 八分

淡吳萸 二分

仙半夏 錢半

枳實炭 八分

黃芩 錢半

炒白芍 錢半

炒竹茹 錢半

枇杷葉 四張

柿蒂 五枚

赤苓 三錢

活蘆根 一尺去節 通草 八分

神仁丹 四分冲服

三診 吐瀉已止。脈起肢溫。煩躁乾噁亦減。惟身熱口渴。欲喜冷飲。小溲短少。而赤。舌紅苔黃。陰液已傷。伏暑濕熱蘊蒸膜原。三焦宣化失司。再擬生津清暑。苦寒泄熱。淡以滲濕。

天花粉 三錢

仙半夏 錢半

銀花 三錢

六一散 三錢(包) 赤苓 三錢

鮮石斛 三錢

川雅連 五分

連翹 三錢

通草 八分

竹茹 錢半

活蘆根 一尺去節 枇杷葉 四張去毛包

尤左

寒暑濕滯互阻。太陰陽明為病。陰陽逆亂。清濁混淆。猝然吐瀉交作。腹中

絞痛。煩悶懊懣。脈沈似伏。霍亂之症。弗輕視之。亟擬芳香化濁。分利陰陽。

藿蘇梗 各錢半 枳實炭 一錢 陳廣皮 一錢 姜川連 五分 大腹皮 二錢

姜半夏 二錢 製川朴 一錢 白蔻仁 八分 淡吳萸 二分 六神麴 三錢

炒車前 三錢 生薑 三片 赤猪苓 各三錢 玉樞丹 四分冲

二診 昨進正氣合左金法。吐瀉漸止。腹痛亦減。脈轉濡數。反見身熱。口乾不多飲。舌苔灰膩而黃。伏邪有外達之機。裏病有轉表之象。均屬佳境。仍守原意。加入解表。俾伏邪從汗而散。

淡豆豉 三錢 嫩前胡 錢半 藿蘇梗 各錢半 仙半夏 二錢 大腹皮 二錢

薄荷葉 八分 製川朴 一錢 陳廣皮 一錢 炒枳壳 一錢 六神麴 三錢

白蔻壳 一錢 姜竹茹 一錢 荷葉 一角

三診 恙由吐瀉而起。太陰陽明為病。今吐瀉雖止。而裏熱口渴。煩躁不寐。舌糙黑。脈細數。脾胃之陰已傷。心肝之火內熾。當宜養陰救液。而清伏熱。

鮮石斛三錢 連翹壳三錢 冬桑葉三錢 硃茯神三錢 細生地三錢

黑山梔錢半 粉丹皮二錢 天花粉三錢 生甘草六分 活蘆根一尺去節

李左 暑濕夾滯互阻中焦。太陰陽明為病。吐瀉交作。腹中絞痛。脈沉。四肢厥冷。舌灰膩微黃。此係感受疫癘之氣。由口鼻而直入中道。遂致清濁混淆。升降失司。邪入於胃。則為嘔吐。邪入於脾。則為泄瀉。濕遏熱伏。氣道閉塞。氣閉則不能通達。經隧。所以四肢逆冷也。傷寒論曰。嘔吐而利。名曰霍亂。此重症也。急宜芳香化濁。分利陰陽。

藿蘇梗各錢半 川雅連五分 淡黃芩錢半 炒竹葉錢半 廣陳皮一錢

淡吳萸二分 炒赤芍二錢 大腹皮二錢 仙半夏二錢 製川朴八分

枳實炭一錢 六神麴三錢 炒車前三錢 玉樞丹四分沖

居左 疫癘之邪。挾暑濕滯互阻。太陰陽明為病。腹中絞痛。煩躁不安。上為嘔吐。下為泄瀉。四肢逆冷。口乾欲飲。脈細欲伏。舌苔薄膩而黃。清氣在陰。濁氣在陽。陰

陽反戾。氣亂於中。遂有此變。濕遏熱伏。氣機否塞。所以四肢逆冷。脈道爲之不利。霍亂重症。急宜蕪連解毒湯加味。辛開苦降。芳香化濁。

川雅連 八分

淡吳萸 三分

淡黃芩 錢半

鮮竹葉 三錢

枳實炭 一錢

大白芍 錢半

灶心土 五錢

藿香梗 錢半

仙半夏 錢半

六神麴 三錢

玉樞丹 三分磨沖陰陽水煎

趙右 寒疫不正之氣。挾濕滯互阻。太陰陽明爲病。清濁相干。升降失常。忽然吐瀉交作。脈伏肢冷。目陷肉削。汗出如冰。脾主四肢。濁陰盤踞中州。陽氣不能通達。肢冷脈伏。職是故也。陰無退散之期。陽有散亡之象。陰霍亂之重症。危在旦夕。勉擬通脈四逆湯加味。驅內勝之陰。復外散之陽。未識能有挽回否。

熟附片 三錢

姜川連 八分

仙半夏 錢半

豬胆汁 沖服三四滴
淡乾姜 五分

炙甘草 五分

赤豬苓 各三錢

淡吳萸 三分

製小朴 八分

葱白頭 三個

孟河丁氏醫案卷二

泄瀉案

章左 感受時氣之邪。襲於表分。濕滯互阻腸胃。清濁混淆。以致寒熱無汗。遍體痠疼。胸悶泛噁。腹鳴泄瀉。日十餘次。小溲不利。舌膩脈浮。表裏兩病。勿輕視之。仿喻氏逆流挽舟之意。擬倉廩湯加減。疎解表邪。而化濕滯。

荊芥 錢半

防風 一錢

羌獨活 各一錢

桔梗 一錢

炒枳壳 一錢

赤苓 三錢

仙半夏 二錢

六神麴 三錢

焦查炭 三錢

乾荷葉 一角

陳倉米 四錢

薄荷 八分

鄔左 受寒挾濕停滯。脾胃兩病。清不升而濁不降。胸悶泛噁。腹痛洩瀉。苔膩脈遲。擬正氣飲加減。芳香化濁。分利陰陽。

藿蘇梗 各錢半

陳皮 一錢

仙半夏 二錢

製川朴 一錢

赤苓 四錢

大腹皮二錢 白蔻壳八分 大砂仁八分 六神麴三錢 焦查炭二錢

生姜兩片 乾荷葉一角 另純陽正氣丸五分吞服

宋右 暑濕挾滯交阻。腸胃為病。腹痛泄瀉黃水。日十餘次。胸悶不能納穀。小溲

短赤。口乾欲飲。舌質紅。苔黃。脈濡數。治宜和中分利。利小便。正所以實大便也。

煨葛根二錢 赤猪苓各三錢 生白朮錢半 炒扁豆衣三錢 陳皮一錢

大腹皮三錢 六神麴三錢 炒車前子三錢 春砂壳八分 六一散三錢(包)

香連丸一錢吞服 乾荷葉一角 銀花炭三錢

王孩 泄瀉旬日。腹鳴且脹。舌薄黃。根白膩。指紋青。已至氣關。面色痿黃。此太陰

為病。健運無權。清氣不升。濁氣凝聚。恐有慢驚之變。姑仿理中湯加味。

生白朮二錢 炮姜炭四分 熟附片六分 清炙草五分 雲茯苓二錢

陳皮一錢 煨木香五分 焦查炭錢半 炒荷蒂三枚 炒淮藥三錢

灶心黄土四錢煎湯代水

朱右 形瘦色蒼。木火體質。血虧不能養肝。肝氣橫逆。犯胃則嘔。剋脾則瀉。瀉久

陰傷。津無上潮。口乾舌光。經閉四月。脈象弦細。延即成損。擬斂肝柔肝。扶土和中。

炙烏梅四分 陳木瓜五錢 大白芍錢半 雲茯苓三錢 生白朮三錢

炒淮藥三錢 陳皮一錢 紫丹參二錢 炒訶子皮五錢 炒御米壳五錢

灶心黃土四錢 焦穀芽四錢 陳米湯煎

十劑後嘔瀉均止。加炒潞黨二錢。

裴左 五更泄瀉。延經數月。瀉後糞門墜脹。納穀衰少。形瘦色痿。舌無苔。脈濡細。

命火式微。不能生土。脾乏健運。清氣下陷。擬補中益氣。合四神加減。益氣扶土。而

助少火。

炒潞黨三錢 清炙黃芪三錢 土炒於朮二錢 清炙甘草五分 陳皮一錢

炒補骨脂錢半 煨益智錢半 淡吳萸五分 煨肉蓯一錢 炮姜炭八分

桂附地黃丸三錢吞服

匡孩 泄瀉黃水。已延旬餘。口舌糜腐。妨於吮乳。脈紋色紫。已到氣關。此脾土已

虛。濕熱內蘊。熱蒸於上。濕注於下。濕多成五泄也。生甫數月。小舟重載。勿輕視之。

生白朮 錢半

炒淮藥 二錢

赤茯苓 三錢

炒藟豆衣 三錢

薄荷葉 六分

川雅連 四分

生甘草 四分

焦查炭 二錢

車前子 錢半

乾荷葉 一角

陳倉米 一合煎水煎藥

鄭孩

泄瀉色青如藍。日七八次。腹鳴作痛。納少。溲赤。苔膩黃白相兼。此風邪從臍而入腸胃。挾滯交阻。中土不運。清濁不分也。

炒黑防風 一錢

炒黑荆芥 一錢

生白朮 二錢

赤茯苓 三錢

炒藟豆衣 三錢

煨木香 八分

廣陳皮 一錢

焦查炭 三錢

鷄金炭 二錢

陳萊菔英 三錢

戊巳丸 一錢包

談右

泄瀉黃水。為日已久。腎主二便。始因濕勝而濡瀉。繼因濡瀉而傷陰。濁陰上干。則面浮。清陽下陷。則足腫。脾濕入於帶脉。帶無約束之權。以致帶下頻頻。脾

津不能上蒸。則內熱口乾。浮陽易於上升。則頭眩眼花。腰為腎之府。腎虛則腰痠。脉象弦細。脾失健運之功。胃乏坤順之德。營血虛。則肝燥。脾濕陷。則腎寒。擬參苓白朮散加味。養胃扶土而助命火。譬之釜底添薪。則釜中之水。自能化氣上行。四旁受其滋漑。則少火充足。胃納漸加。即真陰自生。而濕自化。虛熱乃不治自平矣。

炒潞黨三錢

淮山藥三錢

焦白芍三錢

煨牡蠣五錢

連皮苓三錢

生甘草八分

厚杜仲三錢

紅棗三枚

炒於朮二錢

熟附子二錢

煨龍骨三錢

王石 脾土薄弱。濕滯易停。泄瀉青水。乃風邪淫肝。肝木乘脾。脾胃運化失常。納少神疲。脉濡軟。宜以扶土和中。祛風勝濕。

炒白朮三錢

雲茯苓三錢

范志麴三錢

炙甘草五分

焦白芍二錢

扁豆衣三錢

炒穀芽三錢

黑防風錢半

陳廣皮一錢

乾荷葉一角

吳左 泄瀉傷脾。脾陽式微。清氣下陷。脾主四肢。陽不運行於四肢。衛氣乃不能

治。衛外爲固。虛陽逼津液而外泄。大有亡陽之慮。擬附子理中。合二加龍骨牡蠣主

熟附塊三錢

炮姜炭八分

川桂枝一錢

浮小麥三錢

吉林參一錢

雲茯苓三錢

大白芍二錢

炒於朮錢半

炙黃芪一錢

煨龍骨三錢

炙甘草八分

炙升麻五分

煨牡蠣四錢

朱左。嘔吐傷胃。泄瀉傷脾。脾胃兩敗。健運失常。木乘土位。清不升而濁不降。宜

抑木扶土。佐入益火之品。

熟附塊一錢

雲茯苓三錢

黑防風錢半

生姜兩片

焦於朮二錢

姜半夏三錢

大砂仁八分

范志麩三錢

炒白芍三錢

廣陳皮一錢

煨木香五分

口... 治... 宜... 抑木扶土... 佐入益火之品... 熟附塊... 雲茯苓... 黑防風... 生姜... 焦於朮... 姜半夏... 大砂仁... 范志麩... 炒白芍... 廣陳皮... 煨木香

孟河丁氏醫案卷二

痢疾案

王嫗 寒熱嘔噦。飲食不進。腹痛痢下。日夜五六十次。赤白相雜。裏急後重。舌苔膩布。脈象浮緊而數。感受時氣之邪。襲於表分。濕熱挾滯。互阻腸胃。噤口痢之重症。先宜解表導滯。

荊芥穗 錢半

青防風 一錢

淡豆豉 三錢

薄荷葉 八分

藿蘇梗 各錢半

仙半夏 二錢

枳實炭 錢半

苦桔梗 一錢

炒赤芍 錢半

六神麴 三錢

焦查炭 三錢

生姜 兩片

陳紅茶 一錢

另玉樞丹 四分開水先沖服

二診 得汗。寒熱較輕。而痢下如故。腹痛加劇。胸悶泛噦。飲食不進。苔膩不化。脈象緊數。表邪雖則漸解。而濕熱挾滯。膠阻曲腸。濁氣上干。陽明通降失司。恙勢尙在。重途。書云。無積不成痢。再宜疏邪導滯。辛開苦降。

炒豆豉 三錢

薄荷葉 八分

吳萸 三分

川雅連 五分拌炒 枳實炭 一錢

仙半夏 二錢

炒赤芍 錢半

酒炒黃芩 一錢

肉桂心 三分

生姜 兩片

青陳皮 各一錢

六神麴 三錢

焦查炭 三錢

大砂仁 八分

木香檳榔丸 三錢包煎

三診 寒熱已退。嘔噦亦減。佳兆也。而腹痛痢下。依然如故。胸悶不思納穀。苔膩稍化。脈轉弦滑。濕熱滯尚留曲腸。氣機窒塞不通。仍宜寒熱並用。通行積滯。勿得因年老而姑息也。

仙半夏 二錢

川連 四分

酒炒黃芩 錢半

炒赤芍 二錢

肉桂心 三分

枳實炭 一錢

金鈴子 二錢

延胡索 一錢

六神麴 三錢

焦查炭 三錢

大砂仁 八分研

全瓜蒌 三錢切

生姜 一片

木香檳榔丸 四錢包煎

四診

痢下甚暢。次數已減。腹痛亦稀。惟脘悶不思納穀。苔厚膩漸化。脈象濡數。正氣雖虛。濕熱滯尚未清澈。脾胃運化無權。今制小其劑。和中化濁。亦去疾務盡。

之意。

酒炒黃芩 錢半

炒赤芍 錢半

全當歸 錢半

金鈴子 二錢

延胡索 一錢

陳皮 一錢

春砂壳 八分

六神麴 三錢

炒穀麥芽 各三錢

全瓜蒌 切四錢

銀花炭 三錢

齊菜花炭 三錢

香連丸 一錢吞服

宣童

發熱六天。臨晚尤甚。熱度至百零四之盛。下痢日夜七八十次之多。速至

圍而不能便。腹痛墮脹難忍。穀食不進。幸無嘔吐。而口乾欲飲。苔膩黃。脈滑數。時

疫伏溫。蘊蒸陽明。欲達而不能達。濕滯敗濁。互阻腸。欲下而不能下。手足陽明

為病。病情猛烈。急議表裏雙解。通因通用。冀望熱輕痢減。始有轉機之幸。

粉葛根 二錢

薄荷葉 八分

金銀花 八錢

連翹壳 四錢

酒炒黃芩 錢半

炒赤芍 錢半

青陳皮 各一錢

全瓜蒌 切四錢

春砂壳 八分

苦桔梗 一錢

六神麴 三錢

焦查炭 三錢

枳實導滯丸 三錢包煎

二診

連投解肌通腑之劑。得汗甚多。發熱較輕。白疹隱隱。佈於胸膈之間。伏溫

之邪。有外達之機。痢下次數。雖則不少。而腹痛已減。後重亦鬆。納穀無味。口乾欲飲。苔黃。脈滑數不靜。濕熱敗濁。尙在曲腸之間。未得下行也。原法增減。努力前進。原方去薄荷葉。加清水豆卷四錢。

三診 發熱漸退。痢下亦稀。腹痛後重。已減其半。穀食無味。口乾不多飲。神疲色痿。苔薄黃。脈濡滑而數。陰液暗傷。濕熱滯尙未清澈。腸胃氣機不和。今擬理脾和胃。清化濕濁。更宜薄滋味。節飲食。恐有食復之弊。雖有虛象。不可驟補。

炒銀花 五錢

炒赤芍 錢半

酒炒黃芩 一錢

全當歸 錢半

陳皮 一錢

春砂壳 八分

苦桔梗 一錢

焦查炭 三錢

焦穀麥芽 各三錢

全瓜蒌 三錢切

薺菜花炭 三錢

香連丸 一錢二分包

洪左 血痢及旬。日夜十餘次。腹疼裏急。身熱晚甚。口乾欲飲。舌前半糙絳。中後

膩黃。脈象弦數。此乃陰液素虧。津乏上承。伏溫在營。血滲大腸。腸中濕濁稽留。氣機痞塞不通。症非輕淺。姑擬生津達邪。清營化濁。

鮮石斛 三錢

淡豆豉 三錢

金銀花 五錢

連翹壳 三錢

白頭翁 三錢

北秦皮 三錢

酒炒黃芩 錢半

炒赤芍 錢半

焦查炭 三錢

全瓜蒌 四錢切

枳實炭 一錢

苦桔梗 一錢

活蘆根 一尺去節

二診 昨投藥後。諸恙不減。而反煩躁不寐。舌紅絳。苔糙黑無津。脈弦數。伏溫化熱。由陽明而傳於厥少二陰。厥陰為藏血之經。內寄相火。厥陰有熱。則血溢沸騰。而下迫大腸。則為血痢。少陰為水火之臟。水虧火無所濟。津液愈傷。神被熱擾。則煩躁而不寐也。身熱晚甚者。陽明旺於申酉。陽明之溫熱熾盛也。溫已化熱傷陰。少火悉成壯火。大有吸盡西江之勢。急擬黃連阿膠湯。滋少陰之陰。白頭翁湯。清厥陰之熱。銀翹花粉。解陽明之溫。複方圖治。猶兵家之總攻擊也。勇往前進。以冀弋獲。

阿膠珠 二錢

川雅連 四分

生甘草 五分

白頭翁 三錢

鮮石斛 四錢

生赤白芍 各錢半

連翹壳 三錢

酒炒黃芩 一錢

北秦皮 二錢

金銀花 四錢

粉葛根錢半

天花粉三錢

活蘆根一尺去節 生山查三錢

三診 服藥後已得安靜。水火有既濟之象。且有微汗。伏溫有外解之勢。血痢次數亦減。藥已中肯。有轉危為安之兆。惟陰液大傷。清津無以上供。齒垢唇燥。舌仍焦糙。口渴不欲飲。熱在營分。蒸騰營氣上升。故口渴而不欲飲也。脈弦數不靜。守原法而出一二。冀望津液來復。邪熱退却。由裏及表。由營返氣。始能入於坦途耳。

原方去葛根。加粉丹皮錢半 鮮生地四錢

四診 血痢大減。臨晚身熱亦去其半。舌黑糙已退。轉為光紅。唇燥口乾。不思納穀。脈濡數。陰液傷而難復。邪熱退而未淨也。仍擬生津清營。以和胃氣。

鮮石斛三錢

天花粉三錢

生甘草五分

阿膠珠二錢

川雅連三分

白頭翁三錢

酒炒黃芩一錢

赤白芍各錢半

嫩白薇錢半

炒銀花四錢

廣橘白一錢

生熟穀芽各三錢

活蘆根一尺去節

五診 血痢止潮熱亦退。唇燥齒乾。睡醒後。口舌無津。穀食衰少。神疲萎頓。脈濡數不靜。陰液未復。津無上承。脾胃輪化無權。生氣受戕。人以胃氣爲本。今擬甘寒生津。養胃清熱。以善其後。

西洋參 錢半

鮮石斛 三錢

生甘草 五分

大麥冬 二錢

炒銀花 三錢

嫩白薇 錢半

廣橘白 一錢

生穀芽 四錢

抱茯神 三錢

生篇豆衣 三錢

淮山藥 三錢

活蘆根 一尺去節

陶左 夏秋痢下。至冬不止。赤白夾雜。日夜二十餘次。腹痛後重。納穀衰少。面色痿黃。舌苔白膩。脈象沉細而遲。此脾臟受寒。不能統血。血滲大腸。腸中濕濁。膠阻不化。延久有脹滿之慮。急擬溫運太陰。而化濕濁。勿因久痢驟進兜澀也。更宜節飲食。薄滋味。亦是助藥方之一端。

炒潞黨參 一錢

熟附塊 錢半

炮姜炭 八分

清炙草 六分

生白朮 二錢

全當歸 二錢

炒赤白芍 各錢半

軟柴胡 七分

川桂枝 八分

焦查炭 三錢

大砂仁研一錢 炒焦赤砂糖三錢

二診 投溫運太陰。而化濕濁之劑。已服三帖。下痢赤白。已減其半。納穀衰少。神疲痿頓。脈象沉細。寒濁雖則漸化。脾胃輸運無權。既已獲效。更進一籌。

原方去柴胡桂枝。加炒麥穀芽各四錢。灶心黃土四錢。

呂右 經閉一載。營血早虧。今下痢赤白。已延三月。腹痛後重。納穀衰少。形瘦骨立。舌光無苔。脈象濡細。據述未病喜食水菓。既病又不節食。脾土大傷。中焦變化之血。滲入大腸。腸中濕濁互阻。積而為痢也。今擬溫運脾胃。以和胃氣。寒熱並調。去其錯雜。

炒潞黨參錢半 熟附塊一錢 炮姜炭六分 生白朮三錢 清炙草六分

全當歸二錢 炒赤白芍各錢半 肉桂心三分飯九吞服 焦查炭三錢

大砂仁研八分 阿膠珠一錢 戊己丸二錢包煎 炒焦赤砂糖三錢

二診 經治以來。血痢雖則輕減。而餘恙如舊。舌邊碎痛。恐起口糜之先端。穀食

衰少。胃氣索然。欲溫中則陰分愈傷。欲滋養則脾胃益困。顧此失彼。棘手之症。難許完璧。專扶中土。以冀土厚火斂之意。

炒潞黨 三錢

生於朮 二錢

清炙草 五分

炒淮藥 三錢

炮姜炭 六分

全當歸 錢半

赤白芍 炒各錢半

御米壳 炒三錢

炒穀芽 四錢

駐車丸 三錢包煎

滕左 暑濕挾滯。鬱於曲腸。煨煉成積。氣機流行窒塞。腹痛痢下。日夜數十次。赤

白相雜。裏急後重。納少。舌苔膩布。脈象沉緊。先宜通因通用。

炒黑荆芥 一錢

銀花炭 三錢

炒赤芍 五錢

全當歸 二錢

苦桔梗 一錢

青陳皮 各一錢

全瓜萸 三錢切

六神麴 三錢

焦查炭 三錢

炒條芩 八分

大砂仁 研八分

煨姜 兩片

陳紅茶 一錢

枳實導滯丸 三錢吞服

羅左 寒暑濕滯。互阻腸胃。腹痛下痢。次數甚多。胸悶泛噁。不能飲食。苔膩脈遲。

宜溫下法。

熟附塊 錢半

製川軍 三錢

枳實炭 錢半

姜半夏 三錢

藿香梗 錢半

玉樞丹 先開水沖四分

青陳皮 各一錢

白薤仁 研八分

大砂仁 研八分

製川朴 一錢

焦查炭 三錢

生姜 三片

斬左

痢下純紅裏急後重腹痛納少苔黃脈濡數此濕熱入營血滲大腸腸中滯濁互阻煨煉而為紅積也宜清熱導滯調氣行血氣調則後重自除血行則便

紅自愈

白頭翁 三錢

北秦皮 二錢

炒黃芩 錢半

全當歸 錢半

酒川連 五分

炒赤白芍 各錢半

桃仁泥 錢半(包) 杜紅花 八分

焦查炭 三錢

全瓜蒌 切四錢

春砂壳 八分

細青皮 一錢

祁右

痢下匝月次數雖少穀食不進裏熱口乾加之呃逆口糜脈小數舌質紅苔糜腐痢久傷陰木火衝胃濕熱敗濁稽留曲腸腸膜已腐矣危狀疊見恐難挽回勉擬參連開噤意聊盡人工

西洋參 錢半

川雅連 五分

炒黃芩 一錢

生白芍 錢半

甘草 五分

陳皮一錢

炒竹茹錢半

清炙枇杷葉三錢

柿蒂十枚

石蓮三錢

焦麥芽錢半

齊菜花炭三錢

滋腎通關丸錢半包煎

吳左

年五十陰氣自半。腸中乾燥。喜用西法灌腸。而轉為下痢。色青如藍。肛門

時時墜脹。歷五六日。片刻不能安適。穀食減少。舌中剝。邊薄膩。脈虛弦。良由灌腸之時。風邪從肛門而入。風氣通於肝。青為肝之色。風淫於肝。肝木乘脾。脾失健運之常。穀食入胃。不能生化精微。而變為敗濁。風氣從中鼓蕩。驅敗濁下注大腸。而為下痢。色青如藍也。肛門墜脹者。中虛清氣不升。經所謂中氣不足。溲便為之變也。宜補中益氣。去風化濁之治。

清炙黃芪三錢

炒防風一錢

清炙草六分

銀柴胡一錢

蜜炙升麻五分

炒潞黨錢半

全當歸二錢

炒白芍錢半

苦桔梗一錢

陳皮一錢

炒焦赤砂糖三錢

山查肉三錢

炒穀麥芽各三錢

此方一劑知。三劑已。接服歸芍六君湯。

哈左 脾有寒。腸有濕熱。痢下赤白。腹痛綿綿。舌薄黃。脈沉細。土虛木來侮之。氣機窒塞不通。不通則痛。徒用攻劑。恐有流弊。今宜溫運脾陽。苦化濕熱。

銀柴胡 八分

清炙草 五分

廣陳皮 一錢

酒炒黃芩 錢半

金鈴子 二錢

炒白芍 二錢

春砂壳 八分

六神麴 三錢

肉桂心 三分

全當歸 二錢

苦桔梗 一錢

焦查炭 三錢

薺菜花炭 三錢

香連丸 七分

王右 脾寒腸濕。血痢色紫。腹無痛苦。久而不止。納少神疲。脈象沉細。苔薄黃。擬

黃土湯加味。溫運中陽。而清濕熱。以冀火土相生。陽氣得以上升。陰血不致下泄矣。

炮姜炭 三分

生地炭 三錢

酒炒黃芩 錢

白歸身 二錢

生於朮 二錢

阿膠珠 三錢

炒赤芍 二錢

肉桂心 三分

清炙草 五分

地榆炭 三錢

灶心黃土 一兩煎湯代水

黃左

濕熱滯鬱於腸胃。氣機流行窒塞。腹痛痢下鮮血。裏急後重。納穀減少。苔

黃脈數。症勢沉重。擬白頭翁湯加味。苦寒清熱。和中滌腸。

白頭翁 錢半

北秦皮 錢半

全當歸 三錢

銀花炭 四錢

酒炒黃芩 三錢

川黃柏 錢半

炒青陳皮 錢半

炒黑荆芥 錢半

炒赤芍 二錢

地榆炭 一錢

春砂壳 五分

齊菜花炭 三錢

枳實導滯丸 四錢

Faint vertical text columns, likely bleed-through from the reverse side of the page. The text is illegible due to fading and low contrast.

孟河丁氏醫案卷二

瘧疾案

馬左

夏傷於暑。以營為舍。秋冒風涼。與衛併居。涼者陰邪也。陰欲入而陽拒之。陰併於陽。則陽虛而陰盛。陰盛則寒。暑者陽邪也。陽欲出而陰格之。陽併於陰。則陰虛而陽盛。陽盛則熱。是以先寒慄鼓頷。而後壯熱頭痛。依時而作。汗出而解。日如是。已有兩旬之久。胸悶不思飲食。舌苔膩布。脈象弦滑。弦為少陽之脈。滑為痰濕之徵。邪伏少陽。痰濕阻于募原。無疑義矣。今擬清脾飲加減。和解樞機。蠲化痰濕。

軟柴胡一錢

仙半夏二錢

酒黃芩一錢

製小朴八分

煨草菓八分

細青皮一錢

生甘草四分

六神麴三錢

鮮佩蘭二錢

生姜一片

錢左

寒熱日作。已有匝月。胸脘不舒。納少神疲。脈象弦滑無力。舌苔薄白。此正

虛邪伏募原。少陽樞機爲病。今擬小紫胡湯加味。扶正達邪。和胃化痰。

潞黨參錢半 軟前胡一錢 姜半夏二錢 生甘草四分 廣皮一錢

炒枳壳一錢 煨草菓八分 川象貝各二錢 炒穀麥芽各三錢 佩蘭錢半

生姜兩片 紅棗四枚

陸左 間日瘧先戰寒而後壯熱。熱盛之時。煩躁胸悶譫語。自午後至夜半。得汗

而解。已發七八次。納少神疲。脈弦滑而數。苔薄膩而黃。伏邪痰濕互阻。陽明爲病。

營衛循序失司。擬桂枝白虎湯加味。疏解肌邪。而清陽明。

川桂枝八分 陳皮一錢 熟石膏四錢打 生甘草一錢 炒穀芽四錢

仙半夏三錢 川象貝各二錢 煨草菓八分 肥知母錢半 佩蘭錢半

生姜二片 紅棗四枚 甘露消毒丹四錢荷葉包煎

二診 服桂枝白虎湯三劑。間日寒熱已減大半。發時譫語亦止。惟胸悶納少。神疲乏力。脈弦滑不靜。苔薄膩。夜不安寐。伏邪痰濕未楚。胃不和則臥不安也。前法

既效。率由舊章。

川桂枝 六分

仙半夏 三錢

熟石膏 二錢打

生甘草 四分

陳皮 一錢

茯神 三錢 硃炒拌

川象貝 各二錢

北秫米 包三錢

炙遠志 一錢

佩蘭 錢半

生姜 二片

紅棗 四枚

姜童

間日瘧已延月餘。加之大腹時滿。納少便溏。舌苔薄膩。脈象沉弦。乃久瘧

傷脾。脾陽不運。濁濕凝聚募原。三焦輪化無權。書所謂諸濕腫滿。皆屬於脾。又曰

濁氣在上。則生臃脹是也。表病傳裏。勢非輕淺。亟與溫運太陰。以化濕濁。和解樞

機。而達經邪。

熟附片 一錢

淡乾姜 五分

生白朮 錢半

連皮苓 四錢

澤瀉 錢半

軟柴胡 八分

仙半夏 二錢

生甘草 四分

製川朴 一錢

腹皮 二錢

六神麩 三錢

炒麥芽苡仁 各三錢

復診

溫運太陰。和解樞機。連服三劑。腹脹滿漸見輕減。寒熱又作。是陷入太陰

之邪。仍欲還出陽經之佳象。胸悶納少。腑行不實。小溲短少。脈轉弦滑。痰濕留戀。中焦脾胃運行失職。前法頗合。再進一籌。

熟附片一錢

炮乾姜六分

生白朮二錢

赤猪苓各三錢

澤瀉錢半

軟柴胡一錢

仙半夏二錢

粉葛根一錢

生甘草五分

小朴八分

大腹皮二錢

六神麴三錢

乾荷葉一角

楊右

三日瘧已延半載。發時戰寒壯熱。歷十小時始衰。納穀漸少。面色痿黃。脈

象沉弦無力。苔薄膩。此正氣已虛。邪伏三陰。營衛循序失司。纏綿之症。姑擬扶正達邪。用陽和陰。

炒潞黨錢半

柴胡八分

生甘草六分

仙半夏二錢

川桂枝六分

熟附片一錢

炙鱉甲四錢

青蒿梗錢半

鹿角霜三錢

茯苓三錢

陳皮一錢

焦穀芽四錢

生姜兩片

紅棗四枚

二診

前方服六劑。寒熱即止。接服六君子湯。加草菓姜棗。

俞左 伏邪久蘊。消耗陰液。臨晚身熱。至夜半而減。已延數月。咳嗆咯痰不爽。納少。形肉消瘦。苔薄黃。脈弦滑而數。少陰之陰已傷。陽明之邪不解。書云。但熱不寒。名曰瘧瘧。久不愈。卽爲癆瘧也。

潞黨參 錢半

生甘草 六分

青蒿梗 錢半

炙鱉甲 三錢

川貝母 三錢

熟石膏 三錢打

仙半夏 錢半

銀柴胡 一錢

冬瓜子 三錢

硃茯神 三錢

嫩白薇 錢半

大葶薺 五枚

焦穀芽 四錢

屠右 但寒不熱。名曰牡瘧。間日而作。已有月餘。汗多淋漓。納穀減少。脈沉細而弦。舌中剝。邊薄白而膩。是陽虛失於外護。不能托邪外出。痰濕困於中宮。脾胃運化失職。高年患此。勿輕視之。亟擬助陽達邪。和中化濕。

潞黨參 三錢

熟附塊 二錢

川桂枝 一錢

軟柴胡 一錢

陳廣皮 一錢

姜半夏 三錢

雲茯苓 三錢

鹿角霜 三錢

煨草菓 八分

清炙草 五分

生姜 二片

紅棗 四枚

二診 寒減胸悶氣逆去參加旋覆花錢半包炙白蘇子二錢

三診 牡瘡寒熱已減汗多淋漓納少胸悶脈沉細而弦舌中剝邊薄膩陽虛氣

弱不能托邪外出痰濕逗留募原皮毛開而經隧閉也仍宜助陽達邪和中化濕

潞黨參三錢 熟附片二錢 川桂枝一錢 白芍錢半 清炙草五分

軟柴胡八分 仙半夏三錢 煨草菓一錢 常山一錢 鹿角霜三錢

生薑兩片 紅棗四枚

楊左 伏邪痰濕逗留募原營衛失其常度邪與營爭則熱與衛爭則寒寒熱日

作胸悶泛噁舌苔薄膩脈象弦滑此邪在少陽濕在陽明少陽為半表半裏之經

寒熱往來職是故也今宜和解宣化淡滲濕熱俾得邪從外達濕從下趨則營衛

調和寒熱自解矣

前柴明各錢半 茯苓皮四錢 塊滑石三錢 仙半夏二錢 象貝母三錢

通艸八分 酒炒黃芩錢半 白蔻壳八分 鮮藿香錢半 生薑二片

孟河丁氏醫案 卷二

喉痧案 附白喉案痧後案

楊左 風溫疫癘之邪。引動肝膽之火。蘊襲肺胃兩經。發為喉痧。痧布隱隱。身熱。咽喉腫紅。焮痛。內關白腐。舌苔薄黃。脉象鬱滑而數。天氣通於鼻。地氣通於口。口鼻吸受天地不正之氣。與肺胃蘊伏之熱。薰蒸上中二焦。咽喉為肺胃之門戶。肺胃有熱。所以咽喉腫痛而內關白腐也。邪勢正在鳴張之際。慮其增劇。經云。風淫於內。治以辛涼。此其候也。

淨蟬衣 八分

苦桔梗 一錢

金銀花 三錢

京赤芍 二錢

荆芥穗 八分

甜苦甘草 各六分 連翹壳 三錢

鮮竹葉 三十張

淡豆豉 三錢

輕馬勃 一錢

象貝母 三錢

白茅根 二札

薄荷葉 八分

黑山梔 錢半

炙殭蠶 三錢

二診 痺痧雖布。身灼熱不退。咽喉腫痛白腐。脉洪數。舌絳。伏溫化熱。蘊蒸陽明。

由氣入營。銷燦陰液。厥少之火。乘勢上亢。症勢沉重。急宜氣血雙清。而解疫毒。

犀角尖 五分
甘中黃 八分
象貝母 三錢
鮮竹葉 三十張
鮮生地 四錢

苦桔梗 一錢
連翹壳 三錢
茅蘆根 各一兩
生石膏 四錢打
輕馬勃 一錢

黑山梔 錢半
鮮石斛 三錢
粉丹皮 錢半
陳金汁 一兩
枇杷葉露 四兩

三診 疝痧已回。身熱不退。項頸漫腫疼痛。咽喉焮腫。內關白腐。舌薄黃。脉沉數。

溫邪伏熱。稽留肺胃兩經。血凝毒滯。肝膽火熾。一波未平。一波又起。殊屬棘手。宜

清肺胃之伏熱。解疫癘之蘊毒。

薄荷葉 八分
甘中黃 八分
京赤芍 二錢
鮮竹葉茹 各錢半
京元參 二錢

苦桔梗 一錢
生蒲黃 包三錢
黑山梔 錢半
連翹壳 三錢
炙殭蠶 三錢

淡豆豉 三錢
象貝母 三錢
益母草 三錢
活蘆根 一尺去節

李五 疫癘之邪。不外達而內傳。心肝之火內熾。化火入營。傷陰劫津。擬犀角地

合麻杏石甘湯。氣血雙清。而解疫毒。

犀角尖五分

熟石膏五錢打

金銀花三錢

活蘆根一尺去節鮮生地四錢

甘中黃八分

連翹壳三錢

鮮竹葉三十張

淨麻黃四分

苦桔梗一錢

川貝母三錢

陳金汁一兩

光杏仁三錢

京赤芍二錢

京元參二錢

陳左

溫邪疫癘鬱而化火。肺胃被其薰蒸。心肝之火內熾。白喉腐爛。焮痛妨於嚥飲。壯熱煩躁。脉洪數。舌質紅苔黃。經云熱淫於內。治以鹹寒。當進鹹寒解毒。清

溫泄熱。

犀角尖四分

甘中黃八分

連翹壳三錢

京元參一錢五分鮮生地三錢

淡豆豉三錢

京赤芍一錢五分

大貝母三錢

天花粉三錢

薄荷炭七分

金銀花三錢

生石膏三錢打

鮮竹葉卅張

白茅根兩札

王右

吸受時氣。引動伏邪。蘊襲肺胃兩經。肺主皮毛。胃主肌肉。邪留皮毛肌肉之間。則發為紅痧。痧點隱隱。布而不透。形寒發熱。胸悶泛噁。邪鬱陽明。不得外達也。舌苔薄黃。脉象浮滑而數。邪勢正在鳴張。慮其增劇。宜以辛涼清解。

荆芥穗一錢

赤茯苓三錢

淨蟬衣八分

炒竹茹錢半

淡豆豉三錢

江枳壳一錢

連翹壳三錢

熟牛蒡二錢

薄荷葉八分

苦桔梗一錢

京赤芍二錢

項童

痧後肺有伏邪。痰氣壅塞。脾有濕熱。不能健運。積濕生水。泛濫橫溢。無處不到。以致面目虛浮。腹膨肢腫。欬嗽氣逆。舌薄膩。脈濡滑。勢成腫脹重症。姑宜肅運分消。順氣化痰。

嫩前胡錢半

猪苓三錢

生熟苡仁各三錢

炙桑皮三錢

光杏仁三錢

大腹皮二錢

地枯蘿三錢

旋覆花錢半包

清炙枇杷葉三錢去毛包

象貝母三錢

廣陳皮一錢

枯碧竹錢半

鮮冬瓜皮一兩煎湯代水

連皮苓四錢

福澤瀉三錢

李左

痧後餘邪痰熱未楚。肺胃兩病。身熱無汗。欬嗽氣逆。口乾欲飲。脈數苔黃。此乃無形之伏溫。蘊蒸陽明。有形之痰熱。逗留肺絡。症勢沉重。姑宜清解伏溫。而

化痰熱。

粉葛根 錢半

金銀花 三錢

桑葉皮 各二錢

活蘆根 一尺去節 淡豆豉 三錢

連翹壳 三錢

光杏仁 三錢

京赤芍 二錢

黑山梔 錢半

生甘草 八分

象貝母 三錢

鮮竹茹 二錢

天花粉 三錢

薄荷葉 八分

陸童

痧後失音。咽喉內關白腐。氣喘鼻煽。喉有痰聲。苔黃脈數。痧火蘊蒸肺胃。

肺津不布。凝滯成痰。痰熱留戀肺胃。肺葉已損。氣機不能接續。咽喉為肺胃之門。

戶。肺胃有熱。所以內關白腐。音聲不揚。會厭肉脫。症勢危篤。勉擬清溫解毒。而化

痰熱。勒臨崖之馬。挽既倒之瀾。不過聊盡人工而已。

金銀花 三錢

京元參 三錢

象貝母 三錢

活蘆根 一尺去節 連翹壳 三錢

薄荷葉 八分

天花粉 三錢

淡竹油 一兩沖

甘中黃 八分

京赤芍 二錢

冬桑葉 三錢

大麥冬 二錢

孫童

痧後肺胃陰傷。伏邪留戀。身熱不退。欬嗽咽痛。口渴欲飲。舌質絳。苔黃脈

象滑數。伏熱蘊蒸肺胃。津液灼而為痰。肺失清肅。胃失輸和。咽喉為肺胃之門戶。肺胃有熱。所以咽痛。今擬竹葉石膏湯加味。清陽明。解蘊熱。助以生津化痰之品。

鮮竹葉三十張

京元參三錢

桑葉皮各三錢

粉丹皮二錢

熟石膏四錢打

生甘草八分

甜杏仁三錢

金銀花三錢

鮮石斛三錢

天花粉二錢

川象貝各二錢

通草八分

活蘆根一尺去節 枇杷葉露四兩後入

錢左

痧後復感外邪。痰滯內阻。水濕不化。太陰陽明為病。遍體浮腫。氣逆難於

平。寒熱甚壯。大便溏泄。泛噁不能飲食。苔膩脉數。此氤氳之外邪。與粘膩之痰滯。交阻肺胃。肺氣不能下降。脾弱不能運化。水濕易聚。灌浸腠理。泛濫橫溢。無所不到。三焦決瀆無權。症勢危險。姑宜疎邪分消。而化痰滯。未識有效否。

淡豆豉三錢

川桂枝五分

鮮竹茹二錢(積實一錢全炒)

大腹皮二錢

連皮苓四錢

象貝母三錢

淡姜皮八分

焦查炭三錢

猪苓三錢

澤瀉三錢

仙半夏二錢

酒炒黃芩錢半